

五十二

文學博士鹽谷溫撰

學生必吟

東京弘道館發行

滿庭絮絮霜  
五夜天憐雅  
嗟！入新年  
呀兒先汲寒  
泉浴誦起  
用書無送篇

明治四十三年元旦

秋

書生先山青

+ 14184

## 學生必吟序

余の幼時先君子毎朝早起課するに素讀を以てせられ、必ず背誦を期し、嚴寒風雪の日と雖も廢せず、又客あり食を命ずれば、余をして杯杓に侍せしめ、酔へば則ち掌を鼓して朗朗高吟、以て常としたまへり。故を以て余朗讀朗吟に習熟するを得たり。稍長じて伯舅氏の養正塾に在り、宴會の折など酒酣に興至れば、舅氏劍を抜いて舞ひ塾子之に和して歌ひ、舉坐感動、士氣爲に振へり。當時の塾風概ね斯の如し。その後第一高等學校に入り、四方の俊髦と交はるや、會飲あ

る毎に歌舞必ず起る。慷慨跌宕自ら謂へらく天下の快事之れに過ぐるはなしと。笈を獨逸に負ふに及び、數々彼地の學生會に臨み、彼等がピールの滿を引き、放歌亂舞、意氣衝天の狀を見て、その振氣の法、亦余とおなじきものあるを知れり。勿々既に二十年。頭髮疎にして漸く老境に進む。而して元氣甚衰へず。好んで書生と劍を撃ち文を論じ、花晨月夕、往々酒を飲み、高吟朗誦、歡を盡くして後已む。願ふに方今昇平久しく、驕奢淫逸の弊殊に甚し。苟も之を救はんと欲せば、須らく雄渾正大なる漢詩文の朗吟朗讀を課し、以て剛建なる精神を涵養すべし。是に於て獨逸學生會の

「コムメルスブック詠吟集」に倣ひ、皇漢名人の詩數百首、よく人口に膾炙せるものを選び、名づけて「學生必吟」といふ。就中漢人の詩は、専ら詩句の佳なるものを主とし、唐詩を中心として、上は漢魏より絶ち、下は明清に及び、兼ねて詩法の變遷を知り、詩を作るの用に供し、皇朝の詩は寧ろ作家の人物本位とし、青年の元氣を養ふに適するものを選び、要は朗々吟詠、人をして感憤興起せしむるに在り。聊以て國民精神の作興に資するあらば、亦先君と舅氏との意なり。

昭和二年十一月新嘗祭、兒桓擬加冠式の日、菁莪書院の無逸堂中に識す

序

文

節山學人

四

# 學生必吟 目次

## 卷上

### 漢魏六朝

### 古詩及樂府

大風歌	漢	高帝	一
秋風辭	漢	武帝	一
悲愁歌	烏	孫公主	二
長歌行	無	名氏	二
短歌行	魏	武帝	二
七步詩	曹	植	三



四時.....陶淵明.....三

飲酒.....陶淵明.....四

雜詩.....陶淵明.....四

歸田園居.....陶淵明.....四

讀山海經.....陶淵明.....五

木蘭辭.....無名氏.....六

敕勒歌.....無名氏.....七

唐

五言古詩

述懷.....魏徵.....八

感遇.....張九齡.....八

送別……………王

友人會宿……………李

望嶽……………杜

符讀書城南……………韓

遊子吟……………孟

離別……………陸

### 七言古詩

滕王閣……………王

代悲白頭翁……………劉

邯鄲少年行……………高

胡笳歌送顏真卿使赴河隴……………岑

維……………九

白……………九

甫……………九

愈……………二〇

郊……………二

蒙……………二

勃……………三

夷……………三

適……………三

參……………四

龜

希

山中問答	李	白	二四
山中對酌	李	白	二五
蔣進酒	李	白	二五
襄陽歌	李	白	二六
貧交行	杜	甫	二七
飲中八仙歌	杜	甫	二七
丹青引贈曹將軍霸	杜	甫	二六
兵車行	杜	甫	二〇
漁翁	柳	宗	元
七德舞	白	居	易
長恨歌	白	居	易
琵琶行	白	居	易

五言律詩

春望.....杜

登三岳陽樓.....杜

臨三洞庭上三張丞相.....孟

五言排律

送祕書晁監還日本國.....王

七言律詩

黃鶴樓.....崔

登三金陵鳳凰臺.....李

酌酒與三裴迪.....王

蜀相.....杜

甫.....元

甫.....三

然.....三

維.....三

顯.....三

白.....三

維.....三

甫.....三

左遷至藍關示姪孫湘……………韓

五言絕句

題袁氏別業……………賀

竹里館……………王

送別……………王

春曉……………孟

春怨……………金

靜夜思……………李

秋浦歌……………李

行宮……………王

觀酒……………于

六

愈……………

知 掌……………

維……………

維……………

浩 然……………

緒……………

白……………

白……………

建……………

武 陵……………

七言絕句

涼洲詞

出塞

芙蓉樓送辛漸

出塞

續中作

酒泉太守

別董大

除夜作

題長安主人壁

九月九日憶山東兄弟

王

王

王

王

岑

岑

高

高

張

王

翰

齡

齡

渙

參

參

適

適

謂

維

昌

昌

之

送元二使安西	王
峨眉山月歌	李
早發白帝城	李
望廬山瀑布水	李
蘇臺覽古	李
越中覽古	李
贈汪倫	李
客中行	李
絕句	杜
過鄕山人所居	劉
重送裴郎中貶吉州	劉
暮春歸故山草堂	錢

長 長

八

雜	元
白	元
白	元
白	元
白	元
白	元
白	元
甫	元
卿	元
卿	元
起	元







詠史	胡	曾	九
烏江	胡	曾	九
夜雨寄北	李	商	五〇
和孫明府還舊山	雍	陶	五〇
山亭夏日	高	駢	五〇
旅懷	杜	荀	五一
文殊院避暑	李	群	五一
淮上與友人別	鄭	谷	五一
自沙縣抵尤溪縣道中作	韓	偃	五一
隴西行	陳	陶	五二
己亥歲	曹	松	五二
偶成	寒	山	五三

下蜀.....花藥夫人.....

金陵衣.....杜秋娘.....

宋元明清

五言古詩

足柳公權聯句.....蘇軾.....

綠筠軒.....蘇軾.....

子瞻謫海南.....黃庭堅.....

正氣歌.....文天祥.....

飲酒.....林鴻.....

偶感.....萬邦榮.....

七言古詩

和錢君倚日本刀歌	司馬光
桃源行	王安石
虞美人草	曾鞏
浩浩歌	馬存
過平原作	文天祥
天門引	元好問
渡白溝詩	劉因
登金陵雨花臺望大江	高啓
張中丞廟	高啓
石將軍戰場歌	李夢陽
南將軍廟行	王士禛
日本刀歌贈陳滄	張問

五言律詩

村夜

陸

游

魯連臺

風

大

均

登太白樓

王

世

貞

七言律詩

感時

邵

雍

書憤

陸

游

過零丁洋

文

天

祥

初到建寧賦詩

謝

枋

得

岳鄂王墓

趙

孟

頰

題武侯廟

楊

慎

赤壁……………袁枚……………七

赤壁……………趙翼……………七

### 五言絕句

清夜吟……………邵雍……………七

福昌縣會雨……………邵雍……………七

山居雜詩……………元好問……………七

題江州庾樓……………楊奐……………七

京師得家書……………袁凱……………七

尋胡隱君……………高啓……………七

新莊漫興……………李夢陽……………七

征夫詞……………劉績……………七

征婦詞.....劉 績.....七

虞姬.....吳 永 和.....七

### 七言絕句

過洞庭.....呂 洞 賓.....七

自詠.....呂 洞 賓.....七

天津感事.....邵 雍.....七

豐樂亭遊春.....歐 陽 修.....七

偶成.....程 顥.....七

初夏.....司 馬 光.....七

夏意.....蘇 舜 欽.....七

鍾山.....王 安 石.....七

書湖陰先生壁	王	石
夜直	王	石
春夜	蘇	軾
和孔密州東欄梨花	蘇	軾
惠崇春江晚景	蘇	軾
望湖樓醉書	蘇	軾
飲湖上初晴後雨	蘇	軾
初冬作贈劉景文	蘇	軾
澄邁驛通潮閣	蘇	軾
重九	陳	與
詠史	文	同
題青泥市寺壁	岳	飛



岳王墓.....馬存...六

西湖.....陳億子...八一

春遊.....趙葵...八一

絕句.....黃春伯...八一

劍門道中遇雨.....陸游...八一

示兒.....陸游...八一

吳山.....完顏亮...八一

醉下三觀融峰.....朱熹...八一

夢中.....劉克莊...八一

遇翁靈舒.....戴復古...八一

寒夜.....杜乘...八一

有約.....趙師秀...八一

山間秋夜	眞山民	六四
過梅嶺岡留題	伯顏	六四
灤京即事	楊允孚	六五
博浪沙	陳孚	六五
題蘇李泣別圖	袁凱	六五
絕命辭	方孝友	六六
泛海	王守仁	六六
送劉戶部督餉湖廣	李攀龍	六六
寄龔易	李攀龍	六六
凱歌	沈明臣	六七
過古墓	孫文薦	六七
讀秦紀	陳恭尹	六七

虞兮……………吳偉業……六

嶼磯靈澤夫人祠……………王士禛……六

悼亡……………王士禛……六

彭城道中……………黃任……六

祖龍引……………朱瑄……六

有客問余近况者詩以答之……………區區……六

# 卷下

## 皇朝

### 五言古詩

述製……………賴夔……九

送吉田義卿

佐久間

啓……九二

和正氣歌

藤田

彪……九一

七言古詩

泊天草洋

賴

襄……九四

前兵兒謠

賴

襄……九四

蒙古來

賴

襄……九五

本能寺

賴

襄……九五

謁楠河州填有作

賴

襄……九六

下筑後河

賴

襄……九七

無題

村上

剛……九八

述懷

藤田

彪……九八

偶成	木戶孝允	九
述懷	雲井龍雄	一〇〇
送釋後師	雲井龍雄	一〇一
雨中觀海棠有感	雲井龍雄	一〇三
戰後述懷	秋月胤永	一〇三
白虎隊	佐原盛純	一〇三
謁岳武穆之廟	副島種臣	一〇四
行脚	菅了法	一〇四
該撒帝古城書感	渡邊昇	一〇五
觀獨逸學士決鬪式有感	渡邊昇	一〇六
正氣歌	廣瀬武夫	一〇六

雙殉行	.....	竹添光鴻	一〇七
長尾秋水歌	.....	鹽谷時敏	一〇九
黨人歌	.....	安井小太郎	一一〇
柏葉兒歌	.....	安井小太郎	一一〇
續柏葉兒歌	.....	鹽谷温	一一〇

五言律詩

送熊澤子還備前	.....	中江原	一一一
詠富士山	.....	柴野邦彦	一一一

五言排律

銜命使本國	.....	阿部仲麿	一一二
-------	-------	------	-----

七言律詩

述懷.....蒲生秀實：二三

筑前城下作.....廣瀨建：二三

獄中作.....賴醇：二三

題兒島高德書櫻樹圖.....齋藤一德：二四

櫻花詞.....逸名：二四

向陵春興.....鹽谷時敏：二四

五言絕句

侍宴.....弘文天皇：二五

自詠.....菅原道真：二五

遣興吟	伊達政宗	二五
擬古	河野 霏	二六
高士吟	賀陽豐年	二六
家書不至	南宮 岳	二六
松島	釋 南 山	二六
富嶽	松崎 復	二六
自訟	杉浦重剛	二七
銚港雜詠	鹽谷時敏	二七
山中即事	市村贊次郎	二七
七言絕句		
九月侍宴	菅原道真	二七



重陽後一日	菅原道真	二六
示 <sub>レ</sub> 慶	釋祖元	二六
應制賦 <sub>三</sub> 三山 <sub>一</sub>	釋中津	二六
海南行	細川頼之	二九
新正口號	武田晴信	二九
九月十三夜	上杉輝虎	二九
失題	新納忠元	二九
富士山	石川重之	三〇
偶成	伊達政宗	三〇
寄題 <sub>三</sub> 豊公舊宅 <sub>一</sub>	荻生雙松	三〇
過 <sub>三</sub> 藤樹書院 <sub>一</sub>	伊藤長胤	三三

送 <sub>三</sub> 子和之 <sub>三</sub> 參州	山縣孝孺	三
夜下 <sub>三</sub> 墨水	服部元喬	三
月夜步 <sub>三</sub> 禁垣外	柴野邦彦	三
偶成	武林唯七	三
四十七士	大鹽平八郎	三
泉岳寺	坂井華	三
謾作	蒲生秀實	三
謾言	佐藤坦	三
冬夜讀書	菅晉	三
宿 <sub>三</sub> 生田	菅晉	三
中秋無月待母	賴	三

舟發大垣赴桑名……………賴 襄…二四

阿桐嶺……………賴 襄…二五

八幡公……………賴 襄…二五

源廷尉……………賴 襄…二五

題楠公訣子圖……………賴 襄…二五

遊芳野……………賴 惟柔…二六

遊芳野……………藤井 啓…二六

遊芳野……………河野 露…二六

芳野懷古……………梁川孟緯…二七

大楠公……………梁川孟緯…二七

常盤抱孤獨……………梁川孟緯…二七

謁三加藤公廟	廣瀨	建	二六
桂林莊雜詠	廣瀨	建	二六
彦山	廣瀨	建	二六
送人	廣瀨	謙	二六
東坡赤壁圖	市河世寧		二九
讀諸葛武侯傳	齋藤正謙		二九
述懷	林	衡	二九
松前城下作	長尾景翰		三〇
讀海藏舟	湯淺元禎		三〇
赤馬關	藪	怒	三〇
寶樓嶺	鹽谷世弘		三一

壇浦夜泊……………木下樂廣…一三

過壇浦……………村上剛…一三

詠史……………村上剛…一三

詠史……………後藤機…一三

弘道館賞梅花……………德川齊昭…一三

偶成……………鍋島直正…一三

夜夢攻諳厄利亞……………藤田彪…一三

述懷……………藤田彪…一三

從軍作……………藤田信…一三

失題……………武田正生…一三

訣別……………梅田定明…一三

出郷作	佐野竹之助	一三
題壁	釋清狂	一四
聞下田開港	釋清狂	一五
走筆作詩	黑澤勝算	一六
失題	村井政禮	一七
獄中作	橋本左内	一八
逸懷	安積五郎	一九
春簾雨窓	賴醇	二〇
過箱根嶺	賴醇	二一
鑿函關	森魯直	二二
楠公湊川戰死圖	大槻清崇	二三

春日山懷古.....	大槻清崇.....一六
題淵明先生燈下讀書圖.....	栗本鋤雲.....一六
題寄舍壁.....	雲井龍雄.....一六
亡友月照十七回忌辰作.....	西郷隆盛.....一六
偶成.....	西郷隆盛.....一六
舟中偶成.....	大久保利通.....一六
龜山營中作.....	大久保利通.....一六
逸題.....	江藤新平.....一四
逸題.....	篠原國幹.....一四
日本刀.....	大島圭介.....一四
偶成.....	伊藤博文.....一四

石狩客次	伊藤博文	一四一
西紅海舟中	中井弘	一四二
埃及古蹟	中井弘	一四二
題桃源圖	釋五岳	一四三
石川丈山	長茨	一四三
磯濱登望洋樓	三島毅	一四三
寄家兄言志	廣瀨武夫	一四三
神州	乃木希典	一四三
法庫門營中作	乃木希典	一四三
金州城下作	乃木希典	一四三
爾靈山	乃木希典	一四四



凱旋.....乃木希典...一四

書感.....杉浦重剛...一四

挽二乃木將軍.....杉浦重剛...一四

挽二乃木將軍.....鹽谷時敏...一四

新年試筆.....鹽谷時敏...一四

丁卯新年言志.....鹽谷 温...一四

# 學生必吟卷上

## 漢魏六朝

### 大風歌

漢高帝

大風起兮雲飛揚，威加海內兮歸故鄉。  
安得猛士兮守四方。

### 秋風辭

漢武帝

秋風起兮白雲飛，草木黃落兮雁南歸。  
蘭有秀兮菊有芳，懷佳人兮不能忘。  
泛樓船兮濟汾河，橫中流兮揚素波。  
簫鼓鳴兮發櫂歌，歡樂極兮哀情多。  
少壯幾時兮奈老何。

悲愁歌

烏孫公主

吾家嫁我兮天一方，遠託異國兮爲孫王。  
穹廬爲室兮氈爲  
牆，肉爲食兮酪爲漿。  
居常土思兮心內傷，願爲黃鵠兮歸  
故鄉。

長歌行

無名氏

青青園中葵，朝露待日晞。  
陽春布德澤，萬物生光輝。  
常恐秋節至，焜黃華葉衰。  
百川東到海，何時復西歸。  
少壯不努力，老大徒傷悲。

短歌行

魏武帝

對酒當歌，人生幾何？  
譬如朝露，去日苦多。  
慨當以慷，

憂思難忘 何以解憂 唯有杜康 青青子衿 悠悠我心  
 但爲君故 沈吟至今 呦呦鹿鳴 食野之苹 我有嘉賓  
 鼓瑟吹笙 明明如月 何時可掇 憂從中來 不可斷絕  
 越陌度阡 枉用相存 契濶談讌 心念舊恩 月明星稀  
 烏鵲南飛 繞樹三匝 何枝可依 山不厭高 海不厭深  
 周公吐哺 天下歸心

七步詩

曹植

煮豆持作羹 漉豉以爲汁 萁在釜底然于上 豆在釜中泣 本  
 是同根生 相煎何太急

四時

陶淵明

春水滿四澤 夏雲多奇峰 秋月揚明輝 冬嶺秀孤松

飲酒

陶淵明

結廬在人境 而無車馬喧 問君何能爾シカル 心遠地自偏 採菊東籬下 悠然見南山 山氣日夕佳 飛鳥相與還 此間有真意 欲辨已忘言

雜詩

陶淵明

人生無根蒂 飄如陌上塵 分散逐風轉 此已非常身 落地爲兄弟 何必骨肉親 得歡當作樂 斗酒聚比鄰 盛年不重來 一日難再晨 及時當勉勵 歲月不待人

歸田園居

陶淵明

少無適俗韻 性本愛丘山 誤落塵網中 一去三十年 羈  
鳥戀舊林 池魚思故淵 開荒南野際 守拙歸園田 方宅  
十餘畝 草屋八九間 榆柳蔭後簷 桃李羅堂前 曖曖遠  
人村 依依墟里煙 狗吠深巷中 鷄鳴桑樹顛 戶庭無塵  
雜 虛室有餘閑 久在樊籠裡 復得反自然

讀山海經

陶淵明

孟夏草木長 繞屋樹扶疎 衆鳥欣有托 吾亦愛吾廬 既  
耕亦已種 時還讀我書 窮巷隔深轍 頗回故人車 欣然  
酌春酒 摘我園中蔬 微雨從東來 好風與之俱 汎覽周  
王傳 流觀山海圖 俛仰終宇宙 不樂復何如

木蘭辭

無名氏

唧唧復唧唧 木蘭當戶織 不聞機杼聲 唯聞女歎息 問  
女何所思 問女何所憶 女亦無所思 女亦無所憶 昨夜  
見軍帖 可汗大點兵 軍書十二卷 卷卷有爺名 阿爺無  
大兒 木蘭無長兄 願爲市鞍馬 從此替爺征 東市買駿  
馬 西市買鞍韉 南市買轡頭 北市買長鞭 朝辭爺孃去  
暮宿黃河邊 不聞爺孃喚女聲 但聞黃河水鳴濺濺 旦  
辭黃河去 暮宿黑水頭 不聞爺孃喚女聲 但聞燕山胡騎  
聲啾啾 萬里赴戎機 關山度若飛 朔氣傳金柝 寒光照  
鐵衣 將軍百戰死 壯士十年歸 歸來見天子 天子坐明

堂策勳十二轉 賞賜百千疆 可汗問所欲 木蘭不用尙  
書郎 願借明駝千里足 送兒還故鄉 爺孃聞女來 出郭  
相扶將 阿姊聞妹來 當戶理紅妝 小弟聞姊來 磨刀霍  
霍向豬羊 開我東閣門 坐我西閣牀 脫我戰時袍 着我  
舊時裳 當窗理雲鬢 對鏡貼花黃 出門看火伴 火伴皆  
驚惶 同行十二年 不知木蘭是女郎 雄兔脚撲朔 雌兔  
眼迷離 兩兔傍地走 安能辨我是雄雌

敕勒歌

無名氏

敕勒川 陰山下 天似穹廬 籠蓋四野 天蒼蒼野茫茫  
風吹草低見牛羊



唐

八

唐

五言古詩

述懷

魏

徵

中原還逐鹿，投筆事戎軒。  
縱橫計不就，慷慨志猶存。  
仗策謁天子，驅馬出關門。  
請纓繫南粵，憑軾下東藩。  
鬱紆陟高岫，出沒望平原。  
古木鳴寒鳥，空山啼夜猿。  
既傷千里目，還驚九折魂。  
豈不憚艱險，深懷國士恩。  
季布無二諾，侯嬴重一言。  
人生感意氣，功名誰復論。

感遇

張

九

齡

孤鴻海上來 池潢不敢顧 側見雙翠鳥 巢在三珠樹 矯  
矯珍木巔 得無金丸懼 美服患人指 高明逼神惡 今我  
遊冥冥 弋者何所慕

送別

王維

下馬飲君酒 問君何所之 君言不得意 歸臥南山陲 但  
去莫復問 白雲無盡時

友人會宿

李白

滌蕩千古愁 留連百壺飲 良宵宜且談 皓月未能寢 醉  
來臥空山 天地卽衾枕

望嶽

杜甫

岱宗夫如何 齊魯青未了 造化鍾神秀 陰陽割昏曉 盪  
胸生層雲 決皆入歸鳥 會當凌絕頂 一覽衆山小

符讀書城南

韓

愈

木之就規矩 在梓匠輪輿 人之能爲人 由腹有詩書 詩  
書勤乃有 不勤腹空虛 欲知學之力 賢愚同一初 由其  
不能學 所入遂異閭 兩家各生子 提孩巧相如 少長聚  
嬉戲 不殊同隊魚 年至十二三 頭角稍相疎 二十漸乖  
張 清溝映汗渠 三十骨骼成 乃一龍一豬 飛黃騰踏去  
不能顧蟾蜍 一爲馬前卒 鞭背生蟲蛆 一爲公與相 潭  
潭府中居 問之何因爾 學與不學歟 金璧雖重寶 費用

岱宗夫如何 齊魯青未了 造化鍾神秀 陰陽割昏曉 盪  
胸生層雲 決皆入歸鳥 會當凌絕頂 一覽衆山小

符讀書城南

韓

愈

木之就規矩 在梓匠輪輿 人之能爲人 由腹有詩書 詩  
書勤乃有 不勤腹空虛 欲知學之力 賢愚同一初 由其  
不能學 所入遂異閭 兩家各生子 提孩巧相如 少長聚  
嬉戲 不殊同隊魚 年至十二三 頭角稍相疎 二十漸乖  
張 清溝映汗渠 三十骨骼成 乃一龍一豬 飛黃騰踏去  
不能顧蟾蜍 一爲馬前卒 鞭背生蟲蛆 一爲公與相 潭  
潭府中居 問之何因爾 學與不學歟 金壁雖重寶 費用

唐

一一

丈夫非無淚，不灑離別間。  
仗劍對樽酒，恥爲游子顏。  
蝮蛇一螫手，壯士疾解腕。  
所思在功名，離別何足歎。

### 七言古詩

滕王閣

王

勃

滕王高閣臨江渚，佩玉鳴鸞罷歌舞。  
畫棟朝飛南浦雲，朱簾暮捲西山雨。  
閒雲潭影日悠悠，物換星移幾度秋。  
閣中帝子今何在，檻外長江空自流。

代悲白頭翁

劉

希

夷

洛陽城東桃李花，飛來飛去落誰家。  
幽閨兒女惜顏色，坐

見落花長歎息。今年花落顏色改。明年花開復誰在。已見  
松柏摧爲薪。更聞桑田變成海。古人無復洛城東。今人還  
對落花風。年年歲歲花相似。歲歲年年人不同。寄言全盛  
紅顏子。須憐半死白頭翁。此翁白頭真可憐。伊昔紅顏美  
少年。公子王孫芳樹下。清歌妙舞落花前。光祿池臺文錦  
綉。將軍樓閣畫神仙。一朝臥病無相識。三春行樂在誰邊。  
婉轉蛾眉能幾時。須臾鶴髮亂如絲。但看古來歌舞地。惟  
有黃昏鳥雀悲。

邯鄲少年行

高

適

邯鄲城南遊俠子。自矜生長邯鄲裏。千場縱博家仍富。幾

處報讐身不死 宅中歌笑日紛紛 門外車馬如雲屯 未知  
肝膽向誰是 令人卻憶平原君 君不見今人交態薄 黃金  
用盡還疎索 以茲感歎辭舊遊 更於時事無所求 且與少  
年飲美酒 往來射獵西山頭

胡笳歌送顏真卿使赴河隴

岑

參

君不聞胡笳聲最悲 紫髯綠眼胡人吹 吹之一曲猶未了  
愁殺樓蘭征戍兒 涼秋八月蕭關道 北風吹斷天山草 崑  
崙山南月欲斜 胡人向月吹胡笳 胡笳怨兮將送君 秦山  
遙望隴山雲 邊城夜夜多愁夢 向月胡笳誰喜聞

山中問答

李

白

問余何事栖碧山，笑而不答心自閑。  
桃花流水杳然去，別有天地非人間。

山中對酌

李

白

兩人對酌山花開，一盃一盃復一盃。  
我醉欲眠卿且去，明朝有意抱琴來。

將進酒

李

白

君不見黃河之水天上來，奔流到海不復回。  
君不見高堂明鏡悲白髮，朝如青絲暮成雪。  
人生得意須盡歡，莫使金樽空對月。  
天生我材必有用，千金散盡還復來。  
烹羊宰牛且爲樂，會須一飲三百杯。  
岑夫子丹邱生，將進酒，杯莫停。



與君歌一曲，請君爲我傾耳聽。鐘鼓饌玉不足貴，但願長  
醉不用醒。古來聖賢皆寂寞，惟有飲者留其名。陳王昔時  
宴平樂，斗酒十千恣歡譁。主人何爲言少錢，徑須沽取對  
君酌。五花馬，千金裘，呼兒將出換美酒，與爾同消萬古愁。

襄陽歌

李 白

落日欲沒峴山西，倒著接羅花下迷。襄陽小兒齊拍手，攔  
街爭唱白銅鞮。傍人借問笑何事，笑殺山翁醉似泥。鸕鷀  
杓，鸚鵡杯，百年三萬六千日，一日須傾三百杯。遙看漢水  
鴨頭綠，恰似蒲萄初醱醅。此江若變作春酒，壘麴便築糟  
丘臺。金鞍駿馬換小妾，笑坐金鞍歌落梅。車傍側掛一壺

酒 鳳笙龍管行相催 咸陽市上嘆黃犬 何如月下傾金壘  
君不見晉朝羊公一片石 龜頭剝落生莓苔 淚亦不能爲之  
墮 心亦不能爲之哀 清風明月不用一錢買 玉山自倒非  
人推 舒州杓力士鎗 李白與爾同死生 襄王雲雨今安在  
江水東流猿夜聲

貧交行

杜 甫

翻手作雲覆手雨 紛紛輕薄何須數 君不見管鮑貧時交  
此道今人棄如土

飲中八仙歌

杜 甫

知章騎馬似乘船 眼花落井水底眠 汝陽三斗始朝天 道

逢麴車口流涎 恨不移封向酒泉 左相日興費萬錢 飲如  
長鯨吸百川 銜盃樂聖稱避賢 宗之瀟灑美少年 舉觴白  
眼望青天 皎如玉樹臨風前 蘇晉長齋繡佛前 醉中往往  
愛逃禪 李白一斗詩百篇 長安市上酒家眠 天子呼來不  
上船 自稱臣是酒中仙 張旭三盃草聖傳 脫帽露頂王公  
前 揮毫落紙如雲煙 焦遂五斗方卓然 高談雄辯驚四筵

丹青引贈曹將軍霸

杜甫

將軍魏武之子孫 於今爲庶爲清門 英雄割據雖已矣 文  
采風流今尙存 學書初學衛夫人 但恨無過王右軍 丹青  
不知老將至 富貴於我如浮雲 開元之中常引見 カッテ 承恩數

上南薰殿 凌煙功臣少顏色 將軍下筆開生面 良相頭上  
進賢冠 猛將腰間大羽箭 褒公鄂公毛髮動 英姿颯爽來  
酣戰 先帝天馬玉花驄 畫工如山貌不同 是日牽來赤墀  
下 迴立閭闔生長風 詔謂將軍拂絹素 意匠慘澹經營中  
須臾九重眞龍出 一洗萬古凡馬空 玉花卻在御榻上 榻  
上庭前屹相向 至尊含笑催賜金 圉人太僕皆惆悵 弟子  
韓幹早入室 亦能畫馬窮殊相 幹惟畫肉不畫骨 忍使驂  
驪氣凋喪 將軍善畫蓋有神 偶逢佳士亦寫眞 卽今漂泊  
干戈際 屢貌尋常行路人 塗窮反遭俗眼白 世上未有如  
公貧 但看古來盛名下 終日坎壈纏其身

唐

二〇

兵車行

杜

甫

車麟麟馬蕭蕭 行人弓箭各在腰 爺孃妻子走相送 塵埃  
不見咸陽橋 牽衣頓足攔道哭 哭聲直上干雲霄 道旁過  
者問行人 行人但云點行頻 或從十五北防河 便至四十  
西營田 去時里正與裏頭 歸來頭白還戍邊 邊庭流血成  
海水 武皇開邊意未已 君不聞漢家山東二百州 千村萬  
落生荆杞 縱有健婦把鋤犁 禾生隴畝無東西 況復秦兵  
耐苦戰 被驅不異犬與雞 長者雖有問 役夫敢伸恨 且  
如今年冬 未休關西卒 縣官急索租 租稅從何出 信知  
生男惡 反是生女好 生女猶得嫁比鄰 生男埋沒隨百草

君不見青海頭 古來白骨無人收  
新鬼煩冤舊鬼哭 天陰  
雨濕聲啾啾

漁翁

柳宗元

漁翁夜傍西巖宿 曉汲清泚燃香  
乃一聲山水綠 迴看天際下中流  
巖上無心雲相逐

七德舞

白居易

七德舞 七德歌 傳自武德至元和  
元和小臣白居易 觀舞  
聽歌知樂意 曲終稽首陳其事  
太宗十八舉義兵 白旄黃  
鉞定兩京 擒充戮竇四海清  
二十有四功業成 二十有九  
卽帝位 三十有五致太平  
功成理定何神速 速在推心置

人腹亡卒遺骸散帛收 飢人賣子分金贖 魏徵夢見子夜  
泣 張謹哀聞辰日哭 怨女三千放出宮 死囚四百來歸獄  
剪鬚燒藥賜功臣 李勣嗚咽思殺身 含血吮瘡撫戰士 思  
摩奮呼乞效死 則知不獨善戰善乘時 以心感人人心歸  
爾來一百九十載 天下至今歌舞之 歌七德舞七德 聖人  
有作垂無極 豈徒耀神武 豈徒誇聖文 太宗意在陳王業  
王業艱難示子孫

長恨歌

白居易

漢王重色思傾國 御宇多年求不得 楊家有女初長成 養  
在深閨人未識 天生麗質難自棄 一朝選在君王側 回頭

一笑百媚生 六宮粉黛無顏色 春寒賜浴華清池 溫泉水  
滑洗凝脂 侍兒扶起嬌無力 始是新承恩澤時 雲鬢花顏  
金步搖 芙蓉帳暖度春宵 春宵苦短日高起 從此君王不  
早朝 承歡侍宴無閑暇 春從春遊夜專夜 後宮佳麗三千  
人 三千寵愛在一身 金屋妝成嬌侍夜 玉樓宴罷醉和春  
姊妹弟兄皆列土 可憐光彩生門戶 遂令天下父母心 不  
重生男重生女 驪宮高處入青雲 仙樂風飄處處聞 緩歌  
慢舞凝絲竹 盡日君王看不足 漁陽鞞鼓動地來 驚破霓  
裳羽衣曲 九重城闕煙塵生 千乘萬騎西南行 翠華搖搖  
行復止 西出都門百餘里 六軍不發無奈何 宛轉蛾眉馬



前死 花鈿委地無人收 翠翹金雀玉搔頭 君王掩面救不  
得 回看血淚相和流 黃埃散漫風蕭索 雲棧縈紆登劔閣  
峨嵋山下少人行 旌旗無光日色薄 蜀江水碧蜀山青 聖  
主朝朝暮暮情 行宮見月傷心色 夜雨聞鈴腸斷聲 天旋  
地轉回龍馭 到此躊躇不能去 馬嵬坡下泥土中 不見玉  
顏空死處 君臣相顧盡沾衣 東望都門信馬歸 歸來池苑  
皆依舊 太液芙蓉未央柳 芙蓉如面柳如眉 對此如何不  
淚垂 春風桃李花開夜 秋雨梧桐葉落時 西宮南苑多秋  
草 宮葉滿階紅不掃 梨園弟子白髮新 椒房阿監青娥老  
夕殿螢飛思悄然 孤燈挑盡未成眠 遲遲鐘鼓初長夜 耿

耿星河欲曙天 鴛鴦瓦冷霜華重 翡翠衾寒誰與共 悠悠  
生死別經年 魂魄不曾來入夢 臨邛道士鴻都客 能以精  
誠致魂魄 爲感君王展轉思 遂教方士殷勤覓 排空馭氣  
奔如電 升天入地求之遍 上窮碧落下黃泉 兩處茫茫皆  
不見 忽聞海上有仙山 山在虛無縹緲間 樓閣玲瓏五雲  
起 其中綽約多仙子 中有一人字太真 雪膚花貌參差是  
金闕西廂叩玉扃 轉教小玉報雙成 聞道漢家天子使 九  
華帳裏夢魂驚 攬衣推枕起徘徊 珠箔銀屏遞迤開 雲鬢  
半偏新睡覺 花冠不整下堂來 風吹仙袂飄飄舉 猶似霓  
裳羽衣舞 玉容寂寞淚闌干 梨花一枝春帶雨 含情凝睇

謝君王 一別音容兩渺茫 昭陽殿裡恩愛絕 蓬萊宮中日  
月長 回頭下望人寰處 不見長安見塵霧 唯將舊物表深  
情 鈿盒金釵寄將去 釵留一股盒一扇 釵擘黃金盒分鈿  
但令心似金鈿堅 天上人閒會相見 カオラス 臨別殷勤重寄詞 詞  
中有誓兩心知 七月七日長生殿 夜半無人私語時 在天  
願作比翼鳥 在地願爲連理枝 天長地久有時盡 此恨綿  
綿無絕期

琵琶行

白居易

潯陽江頭夜送客 楓葉荻花秋瑟瑟 主人下馬客在船 舉  
酒欲飲無管絃 醉不成歡慘將別 別時茫茫江浸月 忽聞

水上琵琶聲 主人忘歸客不發 尋聲暗問彈者誰 琵琶聲  
停欲語遲 移船相近邀相見 添酒回燈重開宴 千呼萬喚  
始出來 猶抱琵琶半遮面 轉軸撥絃三兩聲 未成曲調先  
有情 絃絃掩抑聲聲思 似訴平生不得志 低眉信手續續  
彈 說盡心中無限事 輕攏慢撚抹復挑 初爲霓裳後六么  
大絃嘈嘈如急雨 小絃切切如私語 嘈嘈切切錯雜彈 大  
珠小珠落玉盤 間關鶯語花底滑 幽咽流泉水下灘 水泉  
冷澀絃凝絕 凝絕不通聲暫歇 別有幽愁暗恨生 此時無  
聲勝有聲 銀瓶乍破水漿迸 鐵騎突出刀鎗鳴 曲終收撥  
當心畫 四絃一聲如裂帛 東船西舫悄無言 惟見江心秋

月白 沈吟放撥插絃中 整頓衣裳起斂容 自言本是京城  
女 家在蝦蟆陵下住 十三學得琵琶成 名屬教坊第一部  
曲罷曾教善才服 妝成每被秋娘妬 五陵年少爭纏頭 一  
曲紅綃不知數 鈿頭銀篦擊節碎 血色羅裙翻酒污 今年  
歡笑復明年 秋月春風等閒度 弟走從軍阿娘死 暮去朝  
來顏色故 門前冷落鞍馬稀 老大嫁作商人婦 商人重利  
輕別離 前月浮梁買茶去 去來江口守空船 繞船明月江  
水寒 夜深忽夢少年事 夢啼妝淚紅闌干 我聞琵琶已歎  
息 又聞此語重唧唧 同是天涯淪落人 相逢何必曾相識  
我從去年辭帝京 謫居臥病潯陽城 潯陽地僻無音樂 終

歲不聞絲竹聲 住近湓江地低濕 黃蘆苦竹繞宅生 其間  
且暮聞何物 杜鵑啼血猿哀鳴 春江花朝秋月夜 往往取  
酒還獨傾 豈無山歌與村笛 嘔啞嘲哳難爲聽 今夜聞君  
琵琶語 如聽仙樂耳暫明 莫辭更坐彈一曲 爲君翻作  
琵琶行 感我此言良久立 卻坐促絃絃轉急 淒淒不似向前  
聲 滿座重聞皆掩泣 座中泣下誰最多 江州司馬青衫濕

## 五言律詩

春望

杜 甫

國破山河在 城春草木深 感時花濺淚 恨別鳥驚心

五言律詩

二九

唐

三〇

烽火連三月 家書抵萬金 白頭搔更短 渾欲不勝簪

登岳陽樓

杜甫

昔聞洞庭水 今上岳陽樓 吳楚東南坼 乾坤日夜浮

親朋無一字 老病有孤舟 戎馬關山北 憑軒涕泗流

臨洞庭上張丞相

孟浩然

八月湖水平 涵虛混太清 氣蒸雲夢澤 波撼岳陽城

欲濟無舟楫 端居恥聖明 坐觀垂釣者 徒有羨魚情

五言排律

送秘書晁監還日本國

王維

積水不可極 安知滄海東 九州何處遠 萬里若乘空  
回國惟看日 歸帆但信風 鰲身映天黑 魚眼射波紅  
鄉國扶桑外 主人孤島中 別離方異域 音信若爲通イカシ

### 七言律詩

黃鶴樓

崔

顥

昔人已乘黃鶴去 此地空餘黃鶴樓 黃鶴一去不復返  
白雲千載空悠悠 晴川歷歷漢陽樹 芳艸萋萋鸚鵡洲  
日暮鄉關何處是 煙波江上使人愁

登金陵鳳凰臺

李

白



唐

三二

鳳凰臺上鳳凰遊，鳳去臺空江自流。  
吳宮花艸埋幽徑，晉代衣冠成古邱。  
三山半落青天外，二水中分白鷺洲。  
總爲浮雲能蔽日，長安不見使人愁。

酌酒與裴迪

王維

酌酒與君君自寬，人情翻覆似波瀾。  
白首相知猶按劍，朱門先達笑彈冠。  
草色全經細雨濕，花枝欲動春風寒。  
世事浮雲何足問，不如高臥且加餐。

蜀相

杜甫

丞相祠堂何處尋，錦官城外柏森森。  
映階碧草自春色，隔葉黃鸝空好音。  
三顧頻繁天下計，兩朝開濟老臣心。

出師未捷身先死 長使英雄淚滿襟

左遷至藍關示姪孫湘

韓愈

一封朝奏九重天 夕貶潮州路八千  
欲爲聖明除弊事 肯將衰朽惜殘年  
雲橫秦嶺家何在 雪擁藍關馬不前  
知汝遠來應有意 好收我骨瘴江邊

五言絕句

題袁氏別業

賀知章

主人不相識 偶坐爲林泉  
莫謾愁沽酒 囊中自有錢

竹里館

王維

獨坐幽篁裏

彈琴復長嘯

深林人不知

明月來相照

送別

王

維

山中相送罷

日暮掩柴扉

春草明年綠

王孫歸不歸

春曉

孟

浩

然

春眠不覺曉

處處聞啼鳥

夜來風雨聲

花落知多少

春怨

金

昌

緒

打起黃鶯兒

莫教枝上啼

啼時驚妾夢

不得到遼西

靜夜思

李

白

牀前見月光

疑是地上霜

舉頭望山月

低頭思故鄉

秋浦歌

李

白

白髮三千丈 緣愁似個長 不知明鏡裡 何處得秋霜

行宮

王建

寥落故行宮 宮花寂寞紅 白頭宮女在 閒坐說玄宗

勸酒

于武陵

勸君金屈卮 滿酌不須辭 花發多風雨 人生足別離

### 七言絕句

涼州詞

王翰

葡萄美酒夜光杯 欲飲琵琶馬上催 醉臥沙場君莫笑 古來征戰幾人回

七言絕句

唐

出塞

王昌齡

秦時明月漢時關  
萬里長征人未還  
但使龍城飛將在  
不教胡馬度陰山

芙蓉樓送辛漸

王昌齡

寒雨連江夜入吳  
平明送客楚山孤  
洛陽親友如相問  
一片冰心在玉壺

出塞

王之渙

黃河遠上白雲間  
一片孤城萬仞山  
羌笛何須怨楊柳  
春光不度玉門關

磧中作

岑參

走馬西來欲到天  
辭家見月兩回圓  
今夜不知何處宿

平沙萬里絕人烟

酒泉太守

岑參

酒泉太守能劍舞  
高堂置酒夜擊鼓  
胡笳一曲斷人腸  
坐客相看淚如雨

別董大

高適

十里黃雲白日曛  
北風吹雁雪紛紛  
莫愁前路無知己  
天下誰人不識君

除夜作

高適

旅館寒燈獨不眠  
客心何事轉淒然  
故鄉今夜思千里

唐

三八

霜鬢明朝又一年

題長安主人壁

張

謂

世人結交須黃金，黃金不多交不深。  
縱令然諾暫相許，終是悠悠行路心。

九月九日憶山東兄弟

王

維

獨在異鄉爲異客，每逢佳節倍思親。  
遙知兄弟登高處，遍插茱萸少一人。

送元二使安西

王

維

渭城朝雨浥輕塵，客舍青青柳色新。  
勸君更盡一杯酒，西出陽關無故人。

峨眉山月歌

李 白

峨眉山月半輪秋 影入平羌江水流  
夜發清溪向三峽 思君不見下渝州

早發白帝城

李 白

朝辭白帝彩雲間 千里江陵一日還  
兩岸猿聲啼不盡 輕舟已過萬重山

望廬山瀑布水

李 白

日照香爐生紫煙 遙看瀑布挂前川  
飛流直下三千尺 疑是銀河落九天

蘇臺覽古

李 白



唐

舊苑荒臺楊柳新  
曾照吳王宮裏人

菱歌清唱不勝春

只今唯有西江月

越中覽古

李

白

越王勾踐破吳歸  
只今唯有鷓鴣飛

義士還家盡錦衣

宮女如花滿春殿

贈汪倫

李

白

李白乘舟將欲行  
不及汪倫送我情

忽聞岸上踏歌聲

桃花潭水深千尺

客中行

李

白

蘭陵美酒鬱金香

玉碗盛來琥珀光

但使主人能醉客

不知何處是他鄉

絕句

杜甫

兩箇黃鸝鳴翠柳 一行白鷺上青天  
窗含西嶺千秋雪 門泊東吳萬里船

過鄭山人所居

劉長卿

寂寂孤鶯啼杏園 寥寥一犬吠桃源  
落花芳草無尋處

萬壑千峯獨閉門

重送裴郎中貶吉州

劉長卿

猿啼客散暮江頭 人自傷心水自流  
同作逐臣君更遠

青山萬里一孤舟

唐

暮春歸故山草堂

錢起

谷口春殘黃鳥稀，  
辛夷花盡杏花飛。  
獨憐幽竹山窗下，  
不改清陰待我歸。

滁州西澗

韋應物

獨憐幽草澗邊生，  
上有黃鸝深樹鳴。  
春潮帶雨晚來急，  
野渡無舟自橫。

江村即事

司空曙

罷釣歸來不繫船，  
江村月落正堪眠。  
縱然一夜風吹去，  
唯在蘆花淺水邊。

楓橋夜泊

張繼

月落烏啼霜滿天  
江村漁火對愁眠  
姑蘇城外寒山寺  
夜半鐘聲到客船

夜上受降城聞笛

李益

回樂峰前沙似雪  
受降城外月如霜  
不知何處吹蘆管  
一夜征人盡望鄉

烏衣巷

劉禹錫

朱雀橋邊野草花  
烏衣巷口夕陽斜  
舊時王謝堂前燕  
飛入尋常百姓家

柳枝詞

劉禹錫

場帝行宮渭水濱  
數株殘柳不勝春  
晚來風起花如雪

唐

飛入宮牆不見人

題楚昭王廟

韓

愈

邱墳滿目衣冠盡

城闕連雲草樹荒

猶有國人懷舊德

一閒茅屋祭昭王

過鴻溝

韓

愈

龍渡虎因割川原

億萬蒼生性命存

誰勸君王回馬首

真成一擲賭乾坤

酬曹侍御過象縣見寄

柳

宗

元

破額山前碧玉流

騷人遙駐木蘭舟

春風無限相思意

欲採蘋花不自由

柳州二月榕葉落盡偶題

柳宗元

宦情羈思共悽悽  
春半如秋意轉迷  
山城過雨百花盡

榕葉滿庭鶯亂啼

楊巨源

城東早春  
詩家清景在新春  
柳嫩鶯黃色未勻  
若待上林花似錦  
出門皆是看花人

對酒

白居易

蝸牛角上爭何事  
石火光中寄此身  
隨富隨貧且勸樂  
不開口笑是癡人

聞白樂天左降江州司馬

元稹

唐

四六

殘燈無焰影幢幢  
暗風吹雨入寒窗

此夕聞君謫九江

垂死病中驚坐起

度桑乾

賈

島

客舍并州已十霜  
卻望并州是故鄉

歸心日夜憶咸陽

無端更渡桑乾水

哀孟寂

張

籍

曲江院裡題名處

十九人中最少年

今日風光君不見

杏花零落寺門前

江樓書感

趙

縵

獨上江樓思渺然

月光如水水連天

同來翫月人何在

風景依稀似去年

江南春

杜

牧

千里鶯啼綠映紅  
多少樓臺煙雨中

水村山郭酒旗風

南朝四百八十寺

清明

杜

牧

清明時節雨紛紛  
牧童遙指杏花村

路上行人欲斷魂

借問酒家何處有

山行

杜

牧

遠上寒山石徑斜  
霜葉紅於二月花

白雲生處有人家

停車坐愛楓林晚



唐

汨秦淮

煙籠寒水月籠沙

隔江猶唱後庭花

題烏江亭

勝敗兵家事不期

捲土重來未可知

獵騎

已落霜雕血尚新

恐有家書寄遠人

長城

夜泊秦淮近酒家

商女不知亡國恨

杜

牧

包羞忍耻是男兒

江東子弟多才俊

杜

牧

鳴鞭走馬又翻身

憑君莫射南來雁

杜

牧

王

遼

秦築長城比鐵牢  
爭イカテカ及堯階三尺高

蕃戎不敢過臨洮

雖然イハドモ萬里連雲際

焚書坑

章 碣

竹帛煙銷帝業虛  
劉項元來不讀書

關河空鎖祖龍居

坑灰未冷山東亂

詠史

胡 曾

祖舜宗堯自太平  
虛築防胡萬里城

秦皇何事苦蒼生

不知禍起蕭牆內

烏江

胡 曾

爭帝圖王勢已傾

八千兵散楚歌聲

烏江不是無船渡

恥向東吳再起兵

夜雨寄北

李商隱

君問歸期未有期

巴山夜雨漲秋池

何當共翦西窗燭

却話巴山夜雨時

和孫明府還舊山

雍陶

五柳先生本在山

偶然爲客落人間

秋來見月多歸思

自起開籠放白鷗

山亭夏日

高駟

綠樹陰濃夏日長

樓臺倒影入池塘

水晶簾動微風起

一架薔薇滿院香

旅懷

杜荀鶴

月華星彩坐來收  
綠色江聲暗結愁  
半夜燈前十年事  
一時和雨到心頭

文殊院避暑

李群玉

赤日黃埃滿世間  
松聲入耳即心閑  
願尋五百仙人去  
一世清涼住雪山

淮上與友人別

鄭谷

揚子江頭楊柳春  
楊花愁殺渡江人  
數聲風笛離亭晚  
君向瀟湘我向秦

自沙縣抵尤溪縣道中作

韓偓

水自潺湲日自斜  
不見人煙空見花

盡無雞犬有鳴鴉  
千村萬落如寒食

隴西行

陳陶

誓掃匈奴不顧身  
猶是春閨夢裏人

五千貂錦喪胡塵  
可憐無定河邊骨

己亥歲

曹松

澤國江山入戰圖  
一將功成萬骨枯

生民何計樂樵蘇  
憑君莫話封侯事

偶成

寒山

衆星羅列夜明深

巖點孤燈月未沈  
圓滿光華不磨瑩

挂在天心是我心

下蜀

花萼夫人

君王城上豎降旗

妾在深宮那得知

十四萬人齊解甲

也無一箇是男兒

金縷衣

杜秋娘

勸君莫惜金縷衣

勸君惜取少年時

花開堪折直須折

莫待無花空折枝

# 宋元明清

## 五言古詩

足柳公權聯句

蘇

軾

人皆苦炎熱 我愛夏日長  
薰風自南來 殿閣生微涼  
一爲居所移 苦樂永相忘  
願言均此施 清陰分四方

綠筠軒

蘇

軾

可使食無肉 不可居無竹  
無肉令人瘦 無竹令人俗  
人瘦尚可肥 俗士不可醫  
傍人笑此言 似高還似癡  
若對此君仍大嚼 世間那有揚州鶴

子瞻謫海南

黃庭堅

子瞻謫海南 時宰欲殺之 飽喫惠州飯 細和淵明詩 彭澤千載人 東坡百世師 出處雖不同 氣味乃相似

正氣歌

文天祥

天地有正氣 雜然賦流形 下則爲河嶽 上則爲日星 於人曰浩然 沛乎塞蒼冥 皇路當清夷 含和吐明庭 時窮節乃見 一一垂丹青 在齊太史簡 在晉董狐筆 在秦張良椎 在漢蘇武節 爲嚴將軍頭 爲嵇侍中血 爲張睢陽齒 爲顏常山舌 或爲遼東帽 清操厲冰雪 或爲出師表 鬼神泣壯烈 或爲渡江楫 慷慨吞胡羯 或爲擊賊笏 逆



豎頭破裂。是氣所磅礴。凜冽萬古存。當其貫日月。生死  
安足論。地維賴以立。天柱賴以尊。三綱實繫命。道義爲  
之根。嗟余遘陽九。隸也實不力。楚囚纓其冠。傳車送窮  
北。鼎鑊甘如飴。求之不可得。陰房闔鬼火。春院闕天黑。  
牛驥同一皁。雞栖鳳凰食。一朝蒙霧露。分作溝中瘠。如  
此再暑寒。百沴自辟易。哀哉沮洳場。爲我安樂國。豈有  
他繆巧。陰陽不能賊。顧此耿耿在。仰視浮雲白。悠悠我  
心憂。蒼天曷有極。哲人日已遠。典刑在夙昔。風簷展書  
讀。古道照顏色。

飲酒

林

鴻

儒生好奇古，出口談唐虞。  
儻生羲皇前，所談乃何如。  
古人既已死，古道存遺書。  
一語不能踐，萬卷徒空虛。  
我願但飲酒，不復知其餘。  
君看醉鄉人，乃在天地初。

偶感

萬邦榮

世無名與宦，人心皆太古。  
世無輪與蹄，人皆守鄉土。  
造物鑿混沌，驅人投網罟。  
誰能翔天外，超然黃鵠舉。

七言古詩

和錢君倚日本刀歌

司馬光

昆夷道遠不復通，世傳切玉誰能窮。  
寶刀近出日本國，越

賈得之滄海東。魚皮裝貼香木鞘。黃白間雜鑰與銅。百金傳入好事手。佩服可以攘妖凶。傳聞其國居大島。土壤沃饒風俗好。其先徐福詐秦民。採藥淹留卅童老。百工五種與之俱。至今器玩皆精巧。前朝貢獻屢往來。士人往往工詞藻。徐福行時書未焚。逸書百篇今尙存。令嚴不許傳中國。舉世無人識古文。嗟予乘桴欲往學。蒼波浩蕩無通津。令人感激坐流涕。鏽澁短刀何足云。

桃源行

王安石

望夷宮中鹿爲馬。秦人半死長城下。避世不獨商山翁。亦有桃源種桃者。一來種桃不記春。采花食實枝爲薪。兒孫

生長與世隔。知有父子無君臣。漁郎放舟迷遠近。花間忽  
見驚相問。世上空知古有秦。山中豈料今爲晉。聞道長安  
吹戰塵。春風回首亦霑巾。重華一去寧復得。天下紛紛經  
幾秦。

虞美人草

曾

鞏

鴻門玉斗紛如雪。十萬降兵夜流血。咸陽宮殿三月紅。霸  
業已隨煙燼滅。剛強必死仁義王。陰陵失道非天亡。英雄  
本學萬人敵。何用屑屑悲紅粧。三軍散盡旌旗倒。玉帳佳  
人坐中老。香魂夜逐劍光飛。青血化爲原上艸。芳心寂寞  
寄寒姿。舊曲聞來似斂眉。哀怨徘徊愁不語。恰如初聽楚

歌時滔滔逝水流今古  
漢楚興亡兩丘土  
當年遺事久成空  
慷慨樽前爲誰舞

浩浩歌

馬

存

浩浩歌 天地萬物如吾何  
用之解帶食大倉  
不用拂枕歸山阿  
君不見渭川漁父一竿竹  
莘野耕叟數畝禾  
喜來起作商家霖  
怒後便把周王戈  
又不見子陵橫足加帝腹  
帝不敢動豈敢訶  
皇天爲忙逼  
星宿相擊摩  
可憐相府癡  
邀請先經過  
浩浩歌  
天地萬物如吾何  
屈原枉死汨羅水  
夷齊空餓西山坡  
丈夫拳拳不可羈  
有身何用自滅磨  
吾觀聖賢心  
自樂豈有他  
蒼生如命窮  
吾道成蹉跎  
直須

爲弔天下人，何必嫌恨傷丘軻。浩浩歌，天地萬物如吾何。  
玉堂金馬在何處，雲山石室高嵯峨。低頭欲耕地，雖少仰  
面長嘯天何多。請君醉我一斗酒，紅光入面春風和。

過平原作

文天祥

平原太守顏真卿，長安天子不知名。一朝漁陽動鞞鼓，大  
河以北無堅城。公家兄弟奮戈起，一十七郡連夏盟。賊聞  
失色分兵還，不敢長驅入咸京。明皇父子將西狩，由是靈  
武起義兵。唐家再造李郭力，若論牽制公威靈。哀哉常山  
慘鉤舌，心歸朝廷氣不懾。崎嶇坎軻不得志，出入四朝老  
忠節。當年幸脫安祿山，白首竟陷李希烈。希烈安能遽殺

公宰相盧杞欺日月亂臣賊子歸何處  
茫茫煙草中原土  
公死於今六百年忠精赫赫雷當天

天門引

元好問

秦王深居不得近從破衡成欲誰信  
白頭游客因咸陽憔悴黃金百斤盡  
海中僊人黃鵠舉大笑人間爭腐鼠  
丈夫何意作蘇秦六印才堪警兒女  
古來多爲虛名老不見阿房淨如掃  
千年虎豹守天門一日牛羊臥秋草

渡白溝詩

劉因

一聲霜雁界河秋感慨孤懷幾千古  
萊公灑落近雄才顯德千年亦英主  
十年鐵硯自庸奴五載兒皇安足數  
當時

一失榆關路。復覺燕雲非我土。更從晚唐望沙陀。自此橫  
流穿一縷。古稱幽燕多義烈。嗚咽泉聲瀉餘怒。

登金陵雨花臺望大江

高

啓

大江來從萬山中。山勢盡與江流東。鍾山如龍獨西上。欲  
破巨浪乘長風。江山相雄不相讓。形勝爭誇天下壯。秦皇  
空此瘞黃金。佳氣葱葱至今王。サカシナリ我懷鬱塞何由開。酒酣走  
上城南臺。坐覺蒼茫萬古意。遠自荒煙落日之中來。石頭  
城下濤聲怒。武騎千群誰敢渡。黃旗入洛竟何祥。鐵鎖橫  
江未爲固。前三國後六朝。草生宮闕何蕭蕭。英雄乘時務  
割據。幾度戰血流寒潮。我生幸逢聖人起南國。禍亂初平



事休息 從今四海永爲家 不用長江限南北

張中丞廟

高 啓

延秋門上烏啼霜 羯兒曉登天子牀 江頭老臣淚暗滴 萬  
乘西去關山長 公卿相率作降虜 草閒拜泣如群羊 當時  
不識顏平原 豈復知有張睢陽 孤城落日百戰後 瘦馬食  
尾人裹瘡 男兒竟爲忠義死 碧血滿地嗟誰藏 賀蘭不斬  
上方劍 英雄有恨何時忘 千年海上見祠廟 古苔叢木秋  
風荒 摩挲畫壁塵網裏 勇氣曄曄虬髯張 巫歌大招客醉  
酒 忠魂或能來故鄉

石將軍戰場歌

李 夢 陽

清風店南逢父老 告我已巳年間事 店北猶存古戰場 遺  
鏃尙帶勸王字 憶昔蒙塵實慘怛 反覆勢如風雨至 紫荊  
關頭晝吹角 殺氣軍聲滿幽朔 胡兒飲馬彰義門 烽火夜  
照燕山雲 內有子尙書 外有石將軍 石家官軍若雷電  
天清野曠來酣戰 朝廷旣失紫荊關 吾民豈保清風店 牽  
爺負子無處逃 哭聲震天風怒號 兒女牀頭伏鼓角 野人  
屋上看旌旄 將軍此時挺戈出 殺敵不異草與蒿 追北歸  
來血洗刃 白日不動蒼天高 萬里烟塵一劍掃 父子英雄  
古來少 單于痛哭倒馬關 羯奴半死飛狐道 處處歡聲噪  
鼓旗 家家牛酒犒王師 應追漢室嫖姚將 還憶唐家郭子

儀 沈吟此事六十春 此地經過淚滿巾 黃雲落日古骨白  
砂礫慘澹愁行人 行人來折戰場柳 下馬坐望居庸口 却  
憶千官迎駕初 千乘萬騎下皇都 乾坤得見中興主 殺伐  
重開載造圖 姓名應勒雲臺上 如此戰功天下無 嗚呼戰  
功今已無 安得再生此輩西備胡

南將軍廟行

王士禛

范陽戰鼓如轟雷 東都已破潼關開 山東大半爲賊守 常  
山平原安在哉 睢陽獨遏江淮勢 義激諸軍動天地 時危  
戰苦陣雲深 裂眚不見官軍至 誰與健者南將軍 包胥一  
哭通風雲 抽矢誓讐已慷慨 拔劍墮指何嶙峋 賀蘭未滅

將軍死 嗚呼南八真男子 中丞侍郎同日亡 碧血爛斑照  
青史 淮山峩峩淮水深 廟門遙對青楓林 行人下馬拜秋  
色 一曲淋鈴萬古心

日本刀歌贈陳瀟刀爲朴楚亭贈物 張問陶

海客貽我日本刀 寒光一尺疑水蛟 醉中脫贈意無極 愛  
君氣奪千人豪 盤根錯節別利器 安居美食成何事 浮世  
升沈盡偶然 少年莫損英雄氣 斫地起舞爲君歌 我輩自  
視當如何 藏刀不用亦神王 請君一日三摩挲 書生戴頭  
不敢近 死守毛錐剛一方 那知烈士多苦心 文人好武原  
非病 嗚呼文人好武原非病 君不見鄉曲小儒無血性

### 五言律詩

#### 村夜

陸游

寂寂山村夜 悠然醉倚門  
月昏天有暈 風軟水無痕  
迹爲遭讒遠 身由不仕尊  
敢嗟車馬絕 同社自雞豚

#### 魯連臺

屈大均

一笑無秦帝 飄然向海東  
誰能排大難 不屑計奇功  
古戍三秋雁 高臺萬木風  
從來天下士 只在布衣中

#### 登太白樓

王世貞

昔聞李供奉 長嘯獨登樓  
此地一垂顧 高名百代留

白雲海色曙 明月天門秋 欲覓重來者 潺潺濟水流

### 七言律詩

感時

邵

雍

紛紛五代亂離間 一旦雲開復見天 草木百年新雨露  
車書萬里舊江山 尋常巷陌陳羅綺 幾處樓臺奏管絃  
天下太平無事日 鶯花無限日高眠

書憤

陸

游

早歲那知世事艱 中原北望氣如山 樓船夜雪瓜州渡  
鐵馬秋風大散關 塞上長城空自許 鏡中衰鬢已先斑

七言律詩

六九

出師一表真名世 千載誰堪伯仲間

過零丁洋

文天祥

辛苦遭逢起一經 干戈落落四周星  
山河破碎風漂絮 身世浮沈水打萍  
皇恐灘頭說皇恐 零丁洋裏歎零丁  
人生自古誰無死 留取丹心照汗青

初到建寧賦詩

謝枋得

雪中松柏愈青青 扶植綱常在此行  
天下久無龔勝潔 人間何獨伯夷清  
義高便覺生堪捨 禮重方知死甚輕  
南八男兒終不屈 皇天上帝眼分明

岳鄂王墓

趙孟頫

鄂王墳上草離離  
秋日荒涼石獸危  
南渡君臣輕社稷  
中原父老望旌旗  
英雄已死嗟何及  
天下中分遂不支  
莫向西湖歌此曲  
水光山色不勝悲

題武侯廟

楊慎

劍江春水綠沄沄  
五丈原頭日又曛  
舊業未能歸後主  
大星先已落前軍  
南陽祠宇空秋草  
西蜀關山隔暮雲  
正統不慚傳萬古  
莫將成敗論三分

赤壁

袁枚

一面東風百萬軍  
當年此處定三分  
漢家火德終燒賊  
池上蛟龍竟得雲  
江水自流秋渺渺  
漁燈猶照荻紛紛



我來不共吹簫客

烏鵲寒聲靜夜聞

赤壁

趙

翼

依然形勝扼荆襄

赤壁山前故壘長

烏鵲南飛無魏地

大江東去有周郎

千秋人物三分國

一片山河百戰場

今日經過已陳迹

月明漁父唱滄浪

五言絕句

清夜吟

邵

雍

月到天心處 風來水面時

一般清意味

料得少人知

福昌縣會雨

邵

雍

雲勢移峰緩 泉聲出竹遲 此時無限意 唯有翠禽知

山居雜詩 元 好 問

瘦竹藤斜挂 叢花草自生 林高風有態 苔滑水無聲

題江州庾樓 楊 奐

宿鳥歸飛盡 浮雲薄暮開 淮山青數點 不肯過江來

京師得家書 袁 凱

江水三千里 家書十五行 行行無別語 只道早還鄉

尋胡隱君 高 啓

渡水復渡水 看花還看花 春風江上路 不覺到君家

新莊漫興 李 夢 陽

昨來杏花紅 今來棟花赤 一花復一花 坐見歲年易

征夫詞

劉績

征夫語 征婦 死生不可知 欲慰泉下魂 但視襟中兒

征婦詞

劉績

征婦語 征夫 有身當殉國 君爲塞下士 妾作山頭石

虞姬

吳永和

大王真英雄 姬亦奇女子 惜哉太史公 不紀美人死

七言絕句

過洞庭

呂洞賓

朝遊北海暮蒼梧  
袖裏青蛇膽氣粗  
三入岳陽人不識  
朗吟飛過洞庭湖

自詠

呂洞賓

獨上高樓望八都  
墨雲散盡月輪孤  
茫茫宇宙人無數  
幾箇男兒是丈夫

天津感事

邵雍

水流任急境常靜  
花落雖頻意自閑  
不似世人忙裏老  
生平未始得開顏

豐樂亭遊春

歐陽修

紅樹青山日欲斜  
長郊草色綠無涯  
遊人不管春將老

來往亭前踏落花

偶成

程

顥

雲淡風輕近午天  
將謂偷閑學少年

望花隨柳過前川

旁人不識余心樂

初夏

司

馬

光

四月清和雨乍晴  
唯有葵花向日傾

南山當戶轉分明

更無柳絮因風起

夏意

蘇

舜

欽

別院深深夏簾清  
夢覺流鶯時一聲

石榴開遍透簾明

樹陰滿地日卓午

鐘山

王安石

澗水無聲遶竹流  
竹西花草弄春柔  
茅簷相對坐終日  
一鳥不鳴山更幽

書湖陰先生壁

王安石

茆簷長掃靜無苔  
花木成畦手自栽  
一水護田將綠繞  
兩山排闥送青來

夜直

王安石

金爐香盡漏聲殘  
剪剪輕風陣陣寒  
春色惱人眠不得  
月移花影上闌干

春夜

蘇軾

春宵一刻直千金  
花有清香月有陰  
歌管樓臺聲寂寂  
鞦韆院落夜沈沈

和孔密州東欄梨花

蘇軾

梨花淡白柳深青  
柳絮飛時花滿城  
惆悵東欄一株雪  
人生看得幾清明

惠崇春江晚景

蘇軾

竹外桃花三兩枝  
春江水暖鴨先知  
蒹葭滿地蘆芽短  
正是河豚欲上時

望湖樓醉書

蘇軾

黑雲翻墨未遮山  
白雨跳珠亂入船  
卷地風來忽吹散

望湖樓下水如天

飲湖上初晴後雨

蘇

軾

水光激灩晴偏好  
山色空濛雨亦奇  
若把西湖比西子  
淡粧濃抹總相宜

初冬作贈劉景文

蘇

軾

荷盡已無擎雨蓋  
菊殘猶有傲霜枝  
一年好景君須記  
正是橙黃橘綠時

澄邁驛通潮閣

蘇

軾

餘生欲老海南村  
帝遣巫陽招我魂  
杳杳天低鶻沒處  
青山一髮是中原



宋元明清

八〇

重九

陳與義

憶昔甲辰重九日 天恩曾與宴城東  
龍沙北望西風冷 誰折黃花壽兩宮

詠史

文同

不得滎陽遂失秦 始知成敗盡由人  
可憐一擲贏天下 只使黃金四萬斤

題青泥市寺壁

岳飛

雄氣堂堂貫斗牛 誓將真節報君讐  
斬除頑惡還車駕 不問登壇萬戶侯

岳王墓

馬存

落盡青松百草深  
埋却英雄未死心

鷺鷥斜日叫寒林

可憐一片西湖土

西湖

陳億子

望湖樓下水浮天  
夕陽正在斷橋邊

楊柳堆烟不礙船

橫笛一聲山水綠

春遊

趙葵

一抹輕烟隔小橋  
花壓重門帶月敲

新篁搖翠兩三梢

惜春不覺歸來晚

絕句

黃春伯

半篙春水一簑烟

抱月懷中枕斗眠

說與時人休問我

英雄回首即神仙

劍門道中遇雨

陸游

衣上征塵雜酒痕 遠游無處不消魂

此身合是詩人未

細雨騎驢入劍門

示兒

陸游

死去元知萬事空 但悲不見九州同 王師北定中原日

家祭無忘告乃翁

吳山

完顏亮

萬里車書合混同 江南何有別提封 移兵百萬西湖上

立馬吳山第一峯

醉下祝融峰

朱熹

我來萬里駕長風，絕壑層雲許盪胸。  
濁酒三杯豪氣發，

夢中

劉克莊

父兄誨我髭鬣初，老不成名鬢髮疎。  
紙帳鐵檠風雪夜，

遇翁靈舒

戴復古

天台山與雁山鄰，只隔中間一片雲。  
一片雲間不相識，

寒夜

杜乘

寒夜客來茶當酒  
竹爐湯沸火初紅  
尋常一樣窓前月  
纔有梅花便不同

有約

趙師秀

黃梅時節家家雨  
青草池塘處處蛙  
有約不來過夜半  
閑敲碁子落燈花

山間秋夜

眞山民

夜色秋光共一闌  
飽收風露入脾肝  
虛檐立盡梧桐影  
絡緯數聲山月寒

過梅嶺岡留題

伯顏

馬首經從康嶺回  
王師到處悉平夷  
擔頭不帶江南物

只插梅花一兩枝

灤京卽事

楊允孚

夜宿氈房月滿衣  
男是公侯女是妃

晨餐乳粥椀生肥

憑君莫笑穹廬矮

博浪沙

陳孚

一擊車中膽氣豪  
猶有人間鐵未消

祖龍社稷已驚搖

如何十二金人外

題蘇李泣別圖

袁凱

上林木落雁南飛  
西風吹上漢臣衣

萬里蕭條使節歸

猶有交情兩行淚

宋元明清

八六

絕命辭

方孝友

阿兄何必淚潸潸  
取義成仁在此間  
華表柱頭千載後  
旅魂依舊到家山

泛海

王守仁

險夷原不滯胸中  
何異浮雲過太空  
夜靜海濤三萬里  
月明飛錫下天風

送劉戶部督餉湖廣

李攀龍

錦帆南入楚雲重  
江上遙看衡岳峯  
落日蒼茫秋不斷  
青天七十二芙蓉

寄襲島

李攀龍

白雲湖上白雲飛  
長白山中去不歸  
君在幾峰秋色遍  
何人共結薜蘿衣

凱歌

沈明臣

銜枚夜度五千兵  
密領軍符號令明  
狹巷短兵相接處  
殺人如草不聞聲

過古墓

孫文簾

野水空山拜墓堂  
松風濕翠灑衣裳  
行人欲問前朝事  
翁仲無言對夕陽

讀秦紀

陳恭尹

謗聲易弭怨難除  
秦法雖嚴亦甚疎  
夜半橋邊呼孺子



人間猶有未燒書

虞兮

吳律業

千夫辟易楚重瞳  
仁敬居然百戰中  
博得美人心肯死  
項王此處是英雄

嶼磯靈澤夫人祠

王士禛

霸氣江東久寂寥  
永安宮殿草蕭蕭  
都將家國無窮恨  
分付潯陽上下潮

彭城道中

黃任

天子依然歸故鄉  
大風歌罷轉蒼茫  
當時何不憐功狗  
留取韓彭守四方

祖龍引

徐市樓船竟不還

祖龍旋已葬驪山

瓊田倘致長生草

朱

瑄

眼見諸侯盡入關

有客問余近況者詩以答之

王

樞

豪氣於今尙未除

難將壯志付樵漁

短衣射虎南山下

帶月歸來夜讀書

學生必吟卷  
上終

學生必吟卷下

皇朝

五言古詩

述懷

賴

襄

十有三春秋 逝者已如水 天地無始終 人生有生死 安  
得類古人 千載列青史

送吉田義卿

佐久間啓

之子有靈骨 久厭斃斃群 振衣萬里道 心事未語人 雖

則不語人 付度或有因 送行出郭門 孤鶴橫秋旻 環海  
何茫茫 五洲自爲鄰 周流究形勢 一見超百聞 智者貴  
投機 歸來須及辰 不立非常功 身後誰能賓

和正氣歌

藤田彪

天地正大氣 粹然鍾神州 秀爲不二嶽 巍巍聳千秋 注  
爲大瀛水 洋洋環八洲 發爲萬朶櫻 衆芳難與儔 凝爲  
百鍊鐵 銳利可斷鏊 蓋臣皆熊羆 武夫盡好仇 神州孰  
君臨 萬古仰天皇 皇風洽六合 明德侔太陽 世不無汚  
隆 正氣時放光 乃參大連議 侃侃排瞿曇 乃助明主斷  
燄燄焚伽藍 中郎嘗用之 宗社磐石安 清丸嘗用之 妖

僧肝膽寒 忽揮龍口劍 虜使頭足分 忽起西海颶 怒濤  
殲胡氛 志賀月明夜 陽爲鳳輦巡 芳野戰酣日 又代帝  
子屯 或投鎌倉窟 憂憤正悵悵 或伴櫻井驛 遺訓何慙  
歉 或殉天目山 幽囚不忘君 或守伏見城 一身當萬軍  
昇平二百歲 斯氣常獲伸 然當其鬱屈 生四十七人 乃  
知人雖亡 英靈未嘗泯 長在天地間 隱然敝彝倫 孰能  
扶持之 卓立東海濱 忠誠尊皇室 孝敬事天神 修文與  
奮武 誓欲清胡塵 一朝天步艱 邦君身先淪 頑鈍不知  
機 罪戾及孤臣 孤臣因葛藟 君寃向誰陳 孤子遠墳墓  
何以謝先親 荏苒二周星 獨有斯氣隨 嗟予雖萬死 豈

忍與汝離，屈伸付天地。生死復奚疑，生嘗雪君冤。復見張綱維，死爲忠義鬼。極天護皇基。

### 七言古詩

泊天草洋

賴襄

雲耶山耶吳耶越，水天鬢髯青一髮。萬里泊舟天草洋，煙橫篷窗日漸沒。瞥見大魚波間跳，太白當舟明似月。

前兵兒謠

賴襄

衣至胛，袖至腕。腰間秋水鐵可斷，人觸斬人馬觸斬馬。十八結交健兒社，北客能來何以酬。彈丸硝藥是膳羞，客

猶不屬饜 好以寶刀加渠頭

蒙古來

賴 襄

筑海颶風連天黑 蔽海而來者何賊 蒙古來 來自北 東  
西次第期吞食 嚇得趙家老寡婦 持此來擬男子國 相模  
太郎膽如甕 防海將士人各力 蒙古來 吾不怖 吾怖關  
東令如山 直前斫賊不許顧 倒吾檣 登虜艦 擒虜將  
吾軍喊 可恨東風一驅附大濤 不使羶血盡膏日本刀

本能寺

賴 襄

本能寺 溝幾尺 吾就大事在今夕 菱粽在手併菱食 四  
蒼梅雨天如墨 老阪西去備中道 揚鞭東指天猶早 吾敵



正在本能寺，敵在備中，汝能備

謁楠河州境有作

賴

襄

東海大魚奮鬣尾，蹴起黑波汗黼辰。隱鳥風雲重慘毒，六十餘州總鬼虺。誰將隻手排妖氛，身當百萬哮鬪群。揮戈擬回虞淵日，執鍤同劓卽墨雲。關西自有男子在，東向寧爲降將軍。旋乾轉坤答值遇，洒掃輦道迎鑾輅。論功睢陽最有力，漫稱李郭安天步。出將入相位未班，前狼後虎事復艱。獻策帝闈不得達，決志軍務豈生還。且餘兒輩繼微志，全家血肉殲王事。非有南柯存舊根，偏安北闕向何地。攝山逶迤海水碧，吾來下馬兵庫驛。想見訣兒呼弟來戰此。

刀折矢盡臣事畢。北向再拜天日陰。七生人間滅國賊。碧  
血痕化五百歲。茫茫春蕪長大麥。君不見君臣相圖骨肉相  
吞。九葉十三世何所存。何如忠臣孝子萃一門。萬世之下  
一片石。留無數英雄之淚痕。

下筑後河過菊池正觀公戰處感而有作

賴 襄

文政之元十一月。吾下筑水傲舟筏。水流如箭萬雷吼。過  
之使人豎毛髮。居民何記正平際。行客長思己亥歲。當時  
國賊擅鴟張。七道望風助豺狼。勤王諸將前後歿。西陲僅  
存臣武光。遺詔哀痛猶在耳。擁護龍種同生死。大舉來犯

彼何人 誓剪滅之報天子 河亂軍聲代銜枚 刀戟相摩八  
千師 馬傷胄破氣益奮 斬敵取胄奪馬騎 被箭如蟬目皆  
裂 六萬賊軍終挫折 歸來河水笑洗刃 血迸奔湍噴紅雪  
四世全節誰儔侶 九國逡巡西征府 隸募未肯向北風 殉  
國劍傳自乃父 嘗卻明使壯本朝 豈與恭獻同日語 丈夫  
要貴知順逆 少貳大友何狗鼠 河流滔滔去不還 遙望肥  
嶺嚮南雲 千載姦黨骨亦朽 獨有苦節傳芳芬 聊弔鬼雄  
歌長句 猶覺河聲激餘怒

無題

村上剛

落花紛紛雪紛紛 踏雪蹴花伏兵起 白晝斬取大臣頭 噫

嘻時事可知耳 落花紛紛雪紛紛 或恐天下多事兆於此

述懷

藤田 彪

三決死矣而不死 二十五回渡刀水 五乞閒地不得閒 三十九年七處徙 邦家隆替非偶然 人生得失豈徒爾 自驚塵垢盈皮膚 猶餘忠義填骨髓 嫖姚定遠不可期 丘明馬遷空自企 苟明大義正人心 皇道奚患不興起 斯心奮發誓神明 古人有云斃而已

偶成

木戶 孝允

一穗寒燈照眼明 沈思默坐無限情 回頭知己人已遠 丈夫畢竟豈計名 世難多年萬骨枯 廟堂風色幾變更 年如

流水去不返 人似草木爭春榮 邦家前路不容易 三千餘  
萬奈蒼生 山堂夜半夢難結 千岳萬峰風雨聲

述懷

雲井龍雄

少小讀破萬卷書 欲討聖源溯洙泗 道與世背無用處 放  
宕卻是一俠徒 破產傾身多結客 奮爲六王進奇策 山東  
豪傑半屬望 共謂秦兵擊可退 從散約解壯圖違 天高地  
厚亦跼蹐 一朝自悔心恍然 深恥平生氣宇窄 君不見有  
窮女字嫦娥 一飛奔月月爲家 我亦將遠探其窟 手攀天  
桂折其花 亦不見緜山仙子其名晉 駕鶴縹緲斬雲陣 我  
亦將遠極八宏 橫絕弱水進我輒 聞說八小州外別有五大

洲長風好放破浪舟。烏拉之山太平海。去矣一周全地球。  
一世俊髦盡把臂。萬國奇勝盡屬眸。然後稅駕故山瀟洒伴。  
松菊。一世能事庶幾將始休。

送釋俊師

雲井龍雄

生當雄圖蓋四海。死當芳聲傳千祀。功名非遠有超群。豈  
喚足爲真男子。俊師膽大而氣豪。憤世夙入祇林逃。雖有  
津梁敷無所。難奈天下之滔滔。惜君奇才抑塞不得逞。枉  
方其袍圓其頂。何事衣鉢僅潔身。不爲鹽梅調大鼎。天下  
之溺援可收。人生豈無得志秋。或至虎吞狼食王土割裂。  
八州之草任君馬蹄踐蹂。君今去向東海道。到處山河感多

少 古城殘壘趙耶韓 勝敗有跡猶可討 駿之山兮參之水  
英雄起處地形好 知君至此氣慨然 當悟大丈夫不可空老  
雨中觀海棠有感 雲井龍雄

綠濕紅沈悄無力 恰是楊妃啼後色 花容如愁何所愁 我  
向花問花默默 想昔濱殿殿南莊 把酒賦詩賞海棠 當時  
同盟今四散 或爲魯連或張良 不因水火碎其志 往往激  
昂就死地 死者函首送王庭 生者海島猶唱義 嗟我赤城  
纔脫身 再舉無策久逡巡 今對此花想往事 愁淚和雨紅  
沾巾

戰後述懷

秋月胤永

行無與兮歸無家 國破孤城亂雀鴉 治不奏功戰無略 微  
臣有罪又何嗟 聞說天皇元聖明 我公貫日發至誠 恩賜  
赦書應非遠 幾回額手望京城 思之思之夕達晨 憂滿胸  
臆淚滿襟 風淅瀝兮雲慘慘 何地置君又置親

白虎隊

佐原盛純

少年團結白虎隊 國步艱難成堡塞 大軍突如風雨來 殺  
氣慘慘白日暗 鞞鼓喧闐百雷震 巨砲連發僵屍堆 殊死  
突陣怒髮立 縱橫奮擊一面開 時不利兮戰且退 身裹瘡  
痍口含藥 腹背皆敵將何行 杖劍閒行攀丘岳 南望鶴城  
砲煙颺 痛哭飲淚且彷徨 宗社亡兮我事畢 十有六人屠



腹僵 俯仰此事十七年 畫之文之世間傳 忠烈赫赫如前  
日 壓倒田橫壓下賢

謁岳武穆之廟

副島種臣

嗚呼岳公何早死 若不早死國之祉 中原可復敵可殲 王  
室何啻救如燬 小人誤國古來同 忠而得死不獨公 唯公  
之死尤慘澹 唯公之志尤大忠 帝鑑孔章靈在天 墓木南  
向非偶然 鼓勵天下忠義氣 後賢宜須則前賢 千歲之下  
欽公名 自東海來敢告誠 維時十月天如拭 江山向我轉  
清明

行脚

菅了法

君不見古昔曉將漢ハニ涅漠爾ハル 懸軍直入八千里 震動羅馬十  
五城 歸來國亡壯士死 又不見輓近英雄那波列翁 席包  
歐洲如疾風 霸圖半就霜蹄蹶 身落蠻烟瘴霧中 咆哮自  
憑蓋世氣 末路難求着跟地 秋風原頭白骨堆 日暮行人  
幾掬淚 寧知單衣赤脚行乞餐 一鉢之中寄生安 千山萬  
水重重翠 孤筇度盡乾坤寬 夜投高閣逢飛雨 閑看蛟龍  
爭糞土 信眉一笑問蛟龍 爲誰辛苦爲誰怒

該撒帝古城書感

渡邊昇

放虎禁園裡 猛威食宮嬪 寵榮如浮雲 一失陷悲辛 愁  
雲慘澹天日暗 妹哭其姉子悲親 悲哭聲中王顏麗 移宴

西宮歌舞頻 醉枕紅衾呼不起 春帳風寒花影墮 猛虎一  
聲殘月落 香夢破時天討臻 堂堂社稷一宵亡 殉國致死  
無一人 古趾蕭蕭風瑟瑟 夕陽空照二千春

觀獨逸學士決鬪式有感

渡邊昇

酌自一盃到幾盃 隊隊競雄宴始開 維文維武干城士 慨  
歌聲和響如雷 視死如飴笑上場 刀光一閃殺氣催 怒髮  
衝空皆欲裂 大喝一聲山亦頹 雄飛雌伏鬪方決 滿場喝  
采呼快哉 日落秋風凜且腥 盃盤狼藉血作堆 此血此酒  
君休恠 注瀉報國丹心來

正氣歌

廣瀨武夫

死生有命不足論 鞠躬唯應酬至尊 奮躍赴難不辭死 慷慨就義日本魂 一世義烈赤穗里 三代忠勇楠子門 憂憤投身薩摩海 從容就死小塚原 或爲芳野廟前壁 遺烈千年見鏃痕 或爲菅家筑紫月 詞存忠愛不知冤 可見正氣滿乾坤 一氣磅礴萬古存 嗚呼正氣畢竟在誠字 嗚呼何必要多言 誠哉誠哉斃不已 七生人間報國恩

### 雙殉行

竹添光鴻

戰雲壓城城欲壞 腹背受敵我軍敗 聯隊旗兮臣所掌 爲賊所奪臣罪大 旅順巨礮千雷轟 骨碎肉飛血雨腥 二萬子弟爲吾死 吾何面目見父兄 青山馳道連朱闕 萬國衣

冠儼成列 靈輿肅肅牛步遲 金輪徐輾聲如咽 弔噉一饗  
臣事終 刺腹絕喉何從容 旁有蛾眉端坐伏 白刃三刺纖  
手紅 遺書固封墨痕濕 責躬誠世情尤急 言言都自熱腸  
迸 鬼哭神恫天亦泣 嗚呼以身殉君臣節堅 舍生從夫婦  
道全 忠魂貞靈長不散 千秋萬古侍桃山

長尾秋水歌

鹽谷時敏

明治大帝親大權 拓荒柔遠曠無前 自西自南悉思服 聲  
教且被窮朔邊 何啻五千三百里 分界植表費雕鐫 野人  
蠻落狗奴國 冰封雪閉暗夜天 卉裳辮髮驅狐鹿 酪漿毳  
幕極腥羶 慕我王化畏我武 獻珍貢異競周旋 翻憶往時

憂國士 百年傳唱海城篇 近傳華府弭兵說 回顧海牙今  
幾年 狡蘇黠張肆詭辯 七國縱橫互變遷 嗚呼鐘鏢可鑄  
兮 矜矜可燬 勿教日本刀鈍如鉛

黨人歌

安井小太郎

黨人黨人汝何職 飢則咆哮飽則默 黨利甚重國利輕 頭  
顛幾百盡滅獲 巧言如簧鷺爲鳥 手握利權虎有翼 天子  
待汝以國士 盍致臣節任輔弼 山可拔兮鐵可磨 嗟乎黨  
人如汝何

柏葉兒歌

安井小太郎

柏葉兒兮柏葉兒 昔何勇銳今何衰 有時痛飲旗亭酒 連

袂高唱爛漫詞 黑龍之歌聲悲壯 海內齊仰歲寒姿 一千  
健兒心如鐵 彌生岡上樹旌旗 寂寂溪門春不關 桃花流  
水出入間 一望村園蘼蕪綠 芳草啼鳥斜日閑 勸君須期  
一世雄 勸君須期千秋功 富貴榮華任君取 成業多在艱  
難中 誰道材大難爲用 誰道慷慨空誤身 滔滔天下皆婦  
女 維持頽運在興風 思之思之心切切 落落胸懷膽生毛  
柏葉歌罷起大息 月黑風急雁聲高

續柏葉兒歌

鹽谷溫

武香原 墨陀水 勁敵來襲風雲駛 柏葉健兒氣吐虹 呼  
應結束決然起 陸擒虎 水斬鯨 猛撞疾擊鬼神驚 一賭

輸贏爭氣息 卮酒餽肩笑相迎

### 五言律詩

#### 送熊澤子還備前

中江原

舊年無幾日 何意上旗亭 送汝雲霄器 嗟吾犬馬齡  
梅花鬢邊白 楊柳眼中青 惆悵滄江上 西風教客醒

#### 詠富士山

柴野邦彥

誰將東海水 濯出玉芙蓉 蟠地三州盡 插天八葉重  
雲霞蒸大麓 日月避中峰 獨立原無競 自爲衆嶽宗



五言排律

銜命使本國

阿部仲鷹

銜命將辭國 菲才忝侍臣 天中戀明主 海外憶慈親  
伏奏違金闕 駢驂去玉津 蓬萊鄉路遠 若木故園鄰  
西望憶恩日 東歸感義辰 平生一寶劍 留贈結交人

七言律詩

述懷

蒲生秀實

丈夫生有四方志 千里劍書何處尋 身任轉蓬無遠近

思從流水幾浮沈  
笑對樽酒興先發  
泣讀離騷醉後吟

唯賴太平恩澤渥  
自將章句托青衿

筑前城下作

廣瀨建

伏敵門頭浪拍天  
當時築石自依然  
元兵沒海蹤猶在  
神后征韓事久傳  
城郭影浮春浦月  
絃歌聲隱暮洲煙  
昇平有象君看取  
處處垂楊繫賈船

獄中作

賴醇

排雲欲手掃妖燄  
失脚墜來江戶城  
井底痴蛙過憂慮  
天邊大月缺高明  
身臨鼎鑊家無信  
夢斬鯨鯢劍有聲  
風雨多年苔石面  
誰題日本古狂生

題兒島高德書櫻樹圖

齋藤 一德

踏破千山萬嶽煙 鸞輿今日到何邊 單裘直入虎狼窟  
 一七深探鮫鱈淵 報國丹心嗟獨力 回天事業奈空拳  
 數行紅淚兩行字 付與櫻花奏九天

櫻花詞

逸 名

薄命能伸旬日壽 納言姓字冒斯花 零丁借宿平忠度  
 吟詠怨風源義家 滋賀浦荒翻暖雪 奈良都古簇紅霞  
 南朝天子今何在 欲望芳山路更賒

向陵春興

鹽谷時敏

菁菁莪秀六寮前 听鼓暮鐘戒一千 捫蝨布衣輕將相

結綦暨子企名賢 雁聲寒落西湖雨  
樹色春浮台嶺煙  
地下朱翁應有喜 櫻花爛發舊廬邊

### 五言絕句

侍宴

弘文天皇

皇明光日月 帝德載天地 三才竝泰昌

萬國表臣義

自詠

菅原道真

離家三四月 落淚百千行 萬事皆如夢

時時仰彼蒼

遣興吟

伊達政宗

馬上青年過 時平白髮多 殘軀天所許

不樂復如何

擬古

河野

生子當如玉 娶妻當如花 丈夫天下志 四十未成家

高士吟

賀陽豐年

一室何堪掃 九州豈足步 寄言燕雀徒 寧知鴻鵠路

家書不至

南宮岳

江深不可渡 山高不可攀 唯有江山隔 無地望鄉關

松島

釋南山

天下有山水 各擅一方美 衆美歸松洲 天下無山水

富嶽

松崎復

皎皎太虛雪 冥冥天下雨 神宰霄功 嶽雲吐幾縷

自訟

杉浦重剛

登嶽小天下 自誇意氣豪 其奈山上山 仰之一層高

銚港雜詠

鹽谷時敏

鉅巖排怒浪 紛雪半空飛 叉手巖頭立 徐觀靜裏機

山中即事

市村瓊次郎

雲來千嶂合 雲去萬峯分 青山元不動 一任去來雲

七言絕句

九月侍宴

菅原道真

不是秋江鍊白沙 黃金化出菊叢花 微臣把得簾中滿

豈若一經遺在家

重陽後一日

菅原道真

去年今夜侍清涼  
秋思詩篇獨斷腸  
恩賜御衣今在此  
捧持每日拜餘香

示虜

釋祖元

乾坤無地卓孤筇  
喜得人空法亦空  
珍重大元三尺劍  
電光影裡斬春風

應制賦三山

釋中津

熊野峰前徐福祠  
滿山藥草兩餘肥  
只今海上波濤穩  
萬里好風須早歸

海南行

細川 賴之

人生五十愧無功  
花木春過夏已中  
滿室蒼蠅掃難去

起尋禪榻臥清風

新正口號

武田 晴信

淑氣未融春尙遲  
霜辛雪苦豈言詩  
此情愧被東風咲

吟斷江南梅一枝

九月十三夜

上杉 輝虎

霜滿軍營秋氣清  
數行過雁月三更  
越山併得能州景

遮莫家鄉憶遠征

失題

新納 忠元



今昔二十七春風 吹入舊叢花復紅 豈莫三分割據略  
英雄不顧草廬中

富士山

石川重之

仙客來遊雲外巔 神龍棲老洞中淵 雪如紈素煙如柄  
白扇倒懸東海天

偶成

伊達政宗

邪法迷國唱不終 欲征蠻國未成功 圖南鵬翼何時奮  
久待扶搖萬里風

寄題豐公舊宅

荻生雙松

絕海樓船震大明 寧知此地長柴荆 千山風雨時時惡

猶作當年叱咤聲

過藤樹書院

伊藤長胤

江西書院聞名久

五十年前訓義方

今日始來絃誦地

古藤影掩舊茅堂

送子和之參州

山縣孝孺

休唱陽關三疊詞

陽關三疊不勝悲

送君多馬河邊柳

折自南枝至北枝

夜下墨水

服部元喬

金龍山畔江月浮

江搖月湧金龍流

扁舟不住天如水

兩岸秋風下二州

月夜步禁垣外

柴野邦彥

上苑西風送桂香  
承明門外月如霜  
何人今夜清涼殿  
一曲霓裳奉御觴

偶成

武林唯七

三十年來一夢中  
捨生取義幾人同  
家鄉臥病雙親在  
膝下奉歡恨未終

四十七士

大鹽平八郎

臥薪嘗膽幾辛酸  
一夜劍光映雪寒  
四十七碑猶護主  
凜然冷殺奸臣肝

泉岳寺

坂井華

山岳可崩海可翻  
盡是行人流涕痕

不消四十七臣魂

墳前滿地草苔濕

謾作

蒲生秀實

廟古悲風對落暉  
淚下關東一布衣

白楊蕭索葉初飛

山川顧望舊封地

謾言

佐藤 坦

落落乾坤人亦無  
一過此關纔丈夫

誰歟自古是真儒

唯名與利多爲累

冬夜讀書

菅 晉 帥

雪擁山堂樹影深

檐鈴不動夜沈沈

閑收亂帙思疑義

一穗青燈萬古心

宿生田

菅 晉 帥

千歲恩讐兩不存 風雲長爲弔忠魂 客窗一夜聽松籟

月暗楠公墓畔村

中秋無月侍母

賴 襄

不同此夜十三回 重得秋風奉一卮 不恨尊前無月色

免看兒子鬢邊絲

舟發大垣赴桑名

賴 襄

蘇水遙遙入海流 櫓聲鴈語帶鄉愁 獨在天涯年欲暮

一篷風雪下濃州

阿嶠嶺

賴 襄

危礁亂立大濤間  
決背西南不見山  
鵲影低迷帆影沒

天連水處是臺彎

八幡公

賴 襄

結髮從軍弓箭雄  
八州草木識威風  
白旗不動兵營靜

立馬邊城看亂鴻

源廷尉

賴 襄

寶刀跨海斬鯨鯢  
貝錦歸鄉忽斐斐  
阿兄不識肥家策

枉煮同根養牝鷄

題楠公訣子圖

賴 襄

七言絕句

海甸陰風草木腥  
史編特筆姓名馨  
一腔熱血存餘瀝  
分與兒曹灑賊庭

遊芳野

賴惟柔

萬人買醉攪芳叢  
感慨誰能與我同  
恨殺殘紅飛向北  
延元陵上落花風

遊芳野

藤井啓

古陵松柏吼天廳  
山寺尋春春寂寥  
眉雪老僧時輟帚  
落花深處說南朝

遊芳野

河野龍

山禽叫斷夜寥寥  
無限春風恨未消  
露臥延元陵下月

滿身花影夢南朝

芳野懷古

梁川孟緯

今來古往事茫茫  
南朝天子御魂香

石馬無聲塚土荒

春入櫻花滿山白

大楠公

梁川孟緯

豹死留皮豈偶然  
楠氏精忠萬古傳

湊川遺跡水連天

人生有限名無盡

常盤抱孤圖

梁川孟緯

雪灑笠檐風捲袂  
叱咤三軍是此聲

呱呱覓乳若爲情

他年鐵柵峰頭嶮



謁加藤公廟

廣瀨建

寸木難支大厦頹 丹心抵死未曾灰  
遺孤可託真君子

夙誦曾參一語來

桂林莊雜詠

廣瀨建

休道他鄉多苦辛 同袍有友自相親  
柴扉曉出霜如雪

君汲川流我拾薪

彥山

廣瀨建

彥山高處望氤氳 木末樓臺晴始分  
日暮天壇人去盡

香煙散作數峰雲

送人

廣瀨謙

東風吹老百花枝 來燕歸鴻共有期  
一年春夢欲醒時 昨雨相逢今雨別

東坡赤壁圖

市河世寧

孤舟月上水雲長 崖樹秋寒古戰場  
功名不復畫周郎 一自風流屬坡老

讀諸葛武侯傳

齋藤正謙

兩篇文字壓西京 百代長懸日月明  
當時諸葛亦書生 莫謂書生暗事務

述懷

林衡

少小欲爲天下奇 謬將詞藻被人知  
自愧春秋二十七

正是臥龍初起時

松前城下作

長尾景翰

海城寒柝月生潮

波際連檣影動搖

從此五千三百里

北辰直下建銅標

讀海歸舟

湯淺元禎

南溟奉命使臣槎

直破長風萬里波

忽值怒濤似奔馬

起提雄劍叱鼉鼉

赤馬關

藪 愨

長風破浪一帆還

碧海遙回赤馬關

三十六灘行欲盡

天邊始見鎮西山

曾根嶺

鹽谷世弘

七十五峯將盡頭  
一舉到無人島不<sub>1ナ</sub>

千尋崖下海悠悠

攫魚孤鶻冲雲際

壇浦夜泊

木下業廣

篷窓月落不成眠  
養和陵下水如煙

壇浦春風五夜船

漁笛一聲吹怨去

過壇浦

村上剛

魚莊蟹舍雨爲煙  
春風腸斷御裳川

蓑笠獨過壇浦邊

千載帝魂呼不返

詠史

村上剛

奇相休嘲類沐猴  
龍顏日角是同儔  
朝三暮四不充腹  
一口併吞六十州

詠史

後藤機

天下紛紛何日定  
衆心畢竟屬寬仁  
秦家結網誰言密  
漏出龍顏隆準人

弘道館賞梅花

德川齊昭

弘道館中一樹梅  
清香馥郁十分開  
好文豈是無威武  
雪裡占春天下魁

偶成

鍋島直正

孤島結團意氣豪  
西南決眚萬里濤  
黠奴若有窺邊事

羶血飽膏日本刀

夜夢攻諸厄利亞

藤田彪

絕海連檣十萬兵  
雄心落落壓胡城  
三更夢覺幽窗下  
唯有秋聲似雨聲

述懷

藤田彪

白髮蒼顏萬死餘  
平生豪氣未全除  
寶刀難染洋夷血  
卻憶常陽舊草廬

從軍作

藤田信

憂時慨世真無用  
嘯月吟花卻有情  
營外今晨人若問  
將軍醉臥未全醒

失題

武田正生

崖山妖血汚乘輿  
年來畢竟讀何書

禮樂衣冠掃地虛

卻怪文章經學士

訣別

梅田定明

妻臥病床兒泣飢  
唯有皇天后土知

此心誓擬拂戎夷

今朝死別兼生別

出鄉作

佐野竹之助

決然去國向天涯  
慇懃牽袖問歸期

生別又兼死別時

弟妹不知阿兄志

題壁

釋清狂

男兒立志出鄉關  
學若不成死不還  
埋骨豈惟墳墓地  
人間到處有青山

聞下田開港

釋清狂

七里江山付犬羊  
震餘春色定荒涼  
櫻花不帶腥羶氣  
獨映朝陽薰國香

走筆作詩

黑澤勝算

呼狂呼賊任他評  
幾歲妖雲一旦晴  
正是櫻花好時節  
櫻田門外血如櫻

失題

村井政禮

此時此恨又何窮  
毛髮皆鳴刀鏑風  
白日空濛天色怒



滿壇怪雨斬英雄

獄中作

橋本左內

苦冤難洗恨難禁

俯則悲痛仰則吟

昨夜城中霜始隕

誰識松柏後凋心

述懷

安積五郎

捨生取義是男兒

四海紛紛何所期

好向京城埋俠骨

待他天定勝人時

春簾雨窓

賴醇

春自往來人送迎

愛憎何事別陰晴

落花雨是催花雨

一樣檐聲前後情

過箱根嶺

賴 醇

當年意氣欲凌雲  
快馬東馳不見山  
今日危途春雨冷  
檻車搖夢度函關

踰函關

森 魯 直

長槍大馬亂雲間  
知是何侯述職還  
淪落書生無氣焰  
雨衫風笠度函關

楠公湊川戰死圖

大 槻 清 崇

王事寧將成敗論  
唯知順逆是忠臣  
斯公一死兒孫在  
護得南朝五十春

春日山懷古

大 槻 清 崇

春日山頭鎖晚霞  
驂騑嘶罷有啼鴉  
憐君獨賦能州月  
不詠平安城外花

題淵明先生燈下讀書圖

栗本 鋤雲

門巷蕭條夜色悲  
鶴鷄聲在月前枝  
誰憐孤帳寒檠下  
白髮遺臣讀楚辭

題客舍壁

雲井 龍雄

欲成斯志豈思躬  
埋骨青山碧海中  
醉撫寶刀還冷笑  
決然躍馬向關東

亡友月照十七回忌辰作

西鄉 隆盛

相約投淵無後先  
豈圖波上再生緣  
回頭十有餘年夢

空隔幽明哭墓前

偶成

西鄉隆盛

幾歷辛酸志始堅  
丈夫玉碎恥輒全  
一家遺事人知否  
不爲兒孫買美田

舟中偶成

大久保利通

奉勅單航向北京  
黑雲堆裏蹴波行  
和成忽下通州水  
閑臥篷窗夢自平

龜山營中作

大久保利通

大海波鳴月照營  
誰知萬里遠征情  
孤眠未結還家夢  
遙聽中宵喇叭聲

逸題

江藤新平

欲掃胡塵盛本邦

一朝蹉跌臥幽窗

可憐半夜蕭蕭雨

逸題

篠原國幹

飲馬綠江果何日

一朝事去壯圖差

此間誰解英雄恨

袖手春風詠落花

日本刀

大鳥圭介

鍛冶研磨幾百回

霜降三尺玉無埃

不疑日本刀銳利

嘗試蟠根錯節來

偶成

伊藤博文

豪氣堂堂橫大空  
日東誰使帝威隆  
高樓傾盡三杯酒  
天下英雄在眼中

石狩客次

伊藤博文

蹇蹇匪躬豈思歸  
滿天風露濕征衣  
秋宵石狩山頭夢  
尙向黑龍江上飛

西紅海舟中

中井弘

煙鎖亞羅比亞海  
雲迷亞弗利加洲  
客身遙在青天外  
九萬鵬程一葉舟

埃及古蹟

中井弘

我來弔古立斜曛  
沙沒荒陵路不分  
唯有巍然三角塚

塔尖高在半天雲

題桃源圖

釋五岳

鷄犬聲聞不見家

仙凡分處白雲遮

無心却是洞中水

流向人間送落花

石川丈山

長茨

功名場裏早抽身

一臥東山經幾年

照影愧臨鴨川水

英雄回首即神仙

磯濱登望洋樓

三島毅

夜登百尺海灣樓

極目何邊是米洲

慨然忽發遠征志

月白東洋萬里秋

寄家兄言志

廣瀨武夫

勤王大義太分明 報國丹心期七生  
傳家一脈遺風在 誓舉名聲弟與兄

神州

乃木希典

峻嶒富嶽聳千秋 赫耀朝暉照八洲  
休說區區風物美 地靈人傑古神州

法庫門營中作

乃木希典

東西南北幾山河 春夏秋冬月又花  
征戰歲餘人馬老 壯心尙是不思家

金州城下作

乃木希典



山川草木轉荒涼  
十里風腥新戰場  
征馬不前人不語  
金州城外立斜陽

爾靈山

乃木希典

爾靈山峻豈難攀  
男子功名期克艱  
鐵血覆山山形改  
萬人齊仰爾靈山

凱旋

乃木希典

王師百萬征驕虜  
野戰攻城屍作山  
愧我何顏看父老  
凱歌今日幾人還

書感

杉浦重剛

傳得堂堂皇祖風  
萬人一樣仰春宮  
微臣亦私期涓滴

應有至誠天地通

挽乃木將軍

杉浦重剛

赤城熱血存餘瀝  
神州正氣賴君尊  
松下遺風傳不言  
心事明明還白白

挽乃木將軍

鹽谷時敏

將軍忠義貫心肝  
清光凜凜逼人寒  
生不愛錢死亦安  
萬古爾靈山上月

新年試筆

鹽谷時敏

滿瓦繁霜五夜天  
滿起周書無逸篇  
隣鷄喔喔入新年  
呼兒先汲寒泉浴

皇

朝

一四六

丁卯新年言志

鹽谷 溫

學得一經傳子孫

黃金萬鎰詎須尊

人生五十知天命


只願文章報國恩

學生必吟卷下終

昭和二年十二月十五日印刷  
昭和二年十二月十八日發行  
昭和二年一月十二日再版

學生必吟與付

定價金 壹圓



著者 鹽谷 溫

發行者 辻本 卯藏

東京市神田區北神保町十一番地

印刷者 渡邊 一郎

東京市小石川區西古川町廿五番地

印刷所 中外印刷株式會社

東京市小石川區西古川町廿五番地

### 發行所

東京市神田區北  
神保町十一番地

電話九段三六八番  
振替東京八一五番

### 弘道館

